


53
8

標記
增補

十八史界

士

東 京 圖 書 館			
七 冊	二 號	六 一 架	函
雜史類			漢書門



松孫彦後
苗大明五
再學校仲
校音訂十
增博標右
補士記垣

太皇太后
同聽政
首罪
東京
戶馬

立齊先生標題解註釋文十八史略卷之七

宋

鄱陽 松塢 王逢 點校

哲宗皇帝名煦。初為延安郡王。神宗大漸立為太子。先是蔡確遣舍人邢恕邀高公繪欲使白太后言延安冲幼岐嘉皆賢王也。公繪懼曰公欲禍吾家。亟去。恕包藏禍心。反謂太后與王珪表裏欲捨延安而立子顥。顥已及章惇蔡確得無變且播其說於士大夫間矣。神宗崩太子即位甫十歲。太皇太后同聽政。熙寧中太后已嘗流涕為神宗言安石變法不便。既垂簾知天下厭苦日久。首罷東京戶馬罷京東西路保馬。罷京東西物貨場。罷諸州鎮寨市易。抵

罷保甲官

○行音杭

○當去聲

當罷汴河堤岸司地課放市易常平免役息錢罷在京免

行錢罷提舉保申錢糧巡教等官罷方田等皆從中出大

臣不與煦音吁去聲舍人唐百官志起居舍人分侍左右

太皇太后岐嘉哲宗二兄顯亦哲宗兄賴已之已音紀為

神之為去聲罷抵當神宗時聽人賒貸縣官財貨以甲宅

或金帛為抵當出息十分之二過期不輸息外每月更加

罰錢百分之二今罷之罷汴河堤岸司每歲所收地

課及所放市易常平免役科息錢免行錢先是京師百物

有行官司所須俱以責辦類有倍折神宗時呂嘉問奏衆

行願出免行錢詔從之至是罷從 ○王珪卒蔡確韓縝為

中出自太后出不與之與音豫 左右僕射章惇知樞密院司馬光門下侍郎光居洛十五

兒童卒者司馬君實

補續綱目注云卒伍伯之類也云云即今行鞭狀也

周惇名節自備

惇辰倫切音純

執政臨去聲吊哭 ○河南程顥以是歲卒顥字伯淳弟頤

字正叔兄弟皆從濂溪周惇頤受學惇頤字茂叔博學力

行聞道早遇事剛果有古人風為政嚴恕務盡理以名節

自礪雅有高趣牕前草不除曰與自家意思一般黃庭堅

稱其人品甚高曾中灑落如光風霽月有太極圖通書行

于世顥頤初從之首令尋仲尼顏子所樂何事學成各以

斯文為己任顥嘗言一命以上苟存心於愛物於人必有

所濟熙寧中以新法不合去國神宗嘗使推擇人才所薦

數十人以表叔張載弟頤為首其死也文彥博米衆論表

其墓曰明道先生而弟頤為之序曰周公沒聖人之道不

行孟子死聖人之學不傳道不行百世無善治學不傳十

補松苗曰。聖人之學。即五倫之道也。彼與我。世相傳。一日無此道。則國家亂矣。而稱孟軻之後。千四百年。而程頤獨得之。可怪也。孟軻之後。無善治之世乎。過譽甚矣。而程朱之時。非趙宋善治之世也。
補賢賢不明貌

邵雍
物數

載無真儒。無善治。士猶得明。夫善治之道。以淑諸人。以傳諸後。無真儒。天下賢賢焉。莫知所之。人欲肆。而天理滅矣。先生生于千四百年之後。得不傳之學。於遺經。辨異端。息邪說。使聖人之道。復明於世。蓋自孟子之後。一人而已。願嘗語人。欲知吾之道者。觀此序可矣。
是歲元豐八年。頤音怡。濂溪號。周惇頤。周姓。博頤名。大極圖。形容無極。太極陰陽五行之妙。通書四十一篇。一命。周禮。九命。士。一命。今第九品也。上。上聲。推音吹。表叔。外親。曰表。夫音扶。賢賢焉。無見。自千四百年。張載字之後。明道先生去。孟子之世。凡千四百年。語去聲。張載字子厚。初無所不學。後聞二程之言。乃盡棄其學。而講焉。有東銘。西銘。正蒙。理窟等書。行于世。人謂之橫渠先生。
無所不學。孫吳佛老之類。二程。明道。伊川。共城邵雍字堯夫。居河南。與二程友。雍之學。玩心高明。觀天地變化。陰陽消長。以達萬物之變。精於

物數。推無不中。願嘗在考試院。以其數推之。出謂雍曰。堯夫數。只是加一倍法。雍歎其聰明。雍欲以數學傳。二程二程不受。邢恕欲受。雍不許。曰。徒長姦雄。雍有皇極經世書。十二卷。擊壤集歌。傳于世。人謂之康節先生。富弼司馬光等。皆深敬重之。
共城。縣屬衛州。共音恭。數如字。下並同。推音吹。下同。中。去聲。加一倍法。如太極生兩儀。兩儀生四象。四象生八卦。之類。推之。無窮。長音張。上聲。皇極云云。取大中至正。應變無窮之義。觀物篇。下卷。觀物外篇。二。宋自歐陽脩。以古文倡天下。文章雖大變。而儒者義理之學。至周程出。然後大明。雍惇頤載。皆歿於神宗之世。至是。願又歿。惟願在學者宗之。為伊川先生。
倡音唱。導引先也。元祐元年。蔡確罷。確與章惇。邢恕。相交結。恕往來傳送語。言自謂有定策。功言官王覲。極言惇確及韓縝。張璪。朋邪。

司馬光左僕射

宋史卷一百一十一

劉摯朱光庭蘇轍累數十疏論劾確先黜以司馬光為左僕射時王安石已病其弟以郵吏狀示之安石曰司馬十一二作相矣悵然久之議者或謂三年無改父道新法姑稍損其甚者足矣光慨然爭之曰先帝之法善者雖百世不可變若安石惠卿等所建為天下害非先帝本意者當如救焚拯溺猶恐不及况太皇太后以母改子非子改父眾議乃定或謂光曰章惇呂惠卿輩他日有以父子之議聞於上則朋黨之禍作矣光起立拱手厲聲曰天若祚宋必無此事安石每聞朝廷變其法夷然不以為意及聞罷助役復差役愕然失聲曰亦罷至此乎良久曰此法終不可罷安石與先帝議之二年乃行無不曲盡言官即諫官累上聲先黜知陳

聞下本作聞

王安石卒

溫公

宋紀安石性不好華腴自奉至儉或衣垢不洗面垢不洗世多稱其賢蘓洵獨曰是不近人情者也作辨姦論以刺之謂王行盧杞合為一人性復強愷遇事無可否自信所見執意不回然議論奇高能以神宗排眾論而力倚任之甚者謂天變不足畏祖宗不足法人言不足恤以是言不克令名以終

西示已

州其弟安國十二光行爭如字極音蒸上聲亦丞也父子之議言新法乃先帝所立而子改之復音伏 ○章惇韓縝罷 ○王安石卒安石在金陵常獨語福建子恨惠卿也惠卿叛安石惟章惇終始不叛安石又常曰新法之行始終以為可行者曾子宣也始終以為不可者司馬君實也語如字福建子荃 ○呂公著右僕射以呂公著為右僕射下皆倣此 文彥博軍國重事程頤崇政殿說書蘓軾翰林學士竄貶呂惠卿鄧綰等 ○司馬光為相八閱月而薨太皇太后哭之慟上亦感涕不已贈太師溫國公謚文正光在位遼人夏人使來必問光起居而遼人勅其邊吏曰中國相司馬矣切毋生事開邊隙及卒京師民罷市畫其像印鬻之畫工有致富者及葬四方來會者哭之如哭其親戚光嘗語

宋哲宗

〇四

又時光已得疾而青苗免役將官之法猶在兩我之議未決光歎曰四害未除吾死不瞑目矣折簡與日公著曰光以身付醫以家事付愚子惟國事未有所託今屬公既而詔免朝謁許乘肩輿三日一入省光不敢當曰不見君不可以視事詔令子康扶入對遠人聞之勃其邊夷云云

程願

蘇軾

晁無咎曰吾無過人但平生所為未嘗不可對人言者耳劉安世問光一言可以終身行之者光曰其誠乎安世問其所後入曰自不妄語入使去聲○蘇軾程願同在經筵軾喜諸諫而願以禮法自持軾每朝侮之光之薨也百官方有慶禮事畢欲往吊願不可曰子於是日哭則不歌或曰不言歌則不哭軾曰此枉死市叔孫通制此禮也願怒二人遂成隙門人朱光庭賈易為言官力攻軾傳堯俞王巖叟呂陶等相繼論列堯俞巖叟右光庭陶右軾是時元豐大臣退於散地皆銜怨入骨陰伺間隙諸賢不悟方自分黨相攻有洛黨川黨朔黨洛黨以願為領袖光庭易為羽翼川黨以軾為領袖陶等為羽翼朔黨以劉摯王巖叟

補孫公談圃子瞻曰明堂乃吉禮不可謂歌則不哭也願又諭司馬諸孤不得受用子瞻戲曰願可謂煥耀鄙俚并孫通聞者笑之

劉安世為領袖而羽翼尤衆未幾願罷不復召久之軾亦罷後再入三入皆不久而出曰不之不音否枉死市戲言神宗年號散音傘間散間如字與佑通元豐○呂公著為司空同平章軍國事呂大防范純仁左右僕射純仁仲淹子也公著尋薨○知漢陽軍吳處厚言蔡確謫安州日作夏中登車蓋亭詩譏訕臺諫論確不已安置新州呂大防范劉摯范純仁王存等以為不宜令過嶺置死地純仁曰此路荆棘八十年矣奈何開之吾曹政恐不免耳爭之不得臺諫交章攻純仁黨確純仁遂罷劉摯為右僕射大防范欲引用元豐黨人以平舊怨謂之調停蘇轍等力陳其不可摯罷蘇頌為右僕射頌罷純仁又代之

呂大防調停

呂公著

漢陽軍屬湖廣安州屬湖北今德安府

補綱鑑 嬌作嬌 為是又倚作俯 亦作優 詩大雅 矯矯虎臣 注式

太皇太后

補東京夢華

女中

比二作私

蓋亭安州郡治譏訕其詩云嬌嬌名臣郝蔚山忠言直節
 上元間釣臺燕沒知何處歎息思君倚碧巖蓋唐高宗上
 元中以疾欲遜位武后既山中公郝處俊諫止之今思之乃
 譏臺諫之不能諫新州屬廣東過嶺入廣途經五嶺荆棘
 久無遠賤過嶺爭諱同交章交上章疏黨
 人神宗末年安石之黨調停和鮮兩全 ○元祐八年九
 月宣仁聖烈太皇太后崩臨崩對上謂大防純仁等曰老
 身沒後必多有調戲官家者宜勿聽之公等亦宜早退令
 官家別用一番人呼左右問曾賜出社飯否因曰公等各
 去喫一匙社飯明年社飯時思量老身也后聽政九年天
 下稱為女中堯舜不比外家以擁佑嗣君之故二子一女
 皆疎以至公御天下當世賢者畢集于朝君子之盛後世
 以慶曆元祐並稱焉承神宗厭兵之後與民休息西蕃鬼
 章為邊將擒獻釋不誅以招其部屬夏國自其主秉常卒

之法

親上始 侍即政 揚長 七名 權悼

乾順立政亂主幼屢致邊失藩臣禮皆強臣為之以其君
 民非有罪不忍興師討伐詔諸路嚴兵自備而已呼去聲

不比私暱曰地嗣君哲宗二子徐玉魏玉一女封邑未詳
 慶曆仁宗年号元祐本皇太后聽政年号為邊之為去聲

○上始親政侍郎楊畏首叛呂大防自謂迹雖元祐心在
 熙豐不對乞召章惇明年改元紹聖大防罷惇為右僕射

純仁罷惇之來也道遇陳瓘惇素聞其名獨請共載訪以
 世務瓘曰請以所乘舟為喻偏重其可行乎或左或右其

偏一也惇默然良久曰司馬光姦邪所當先辦瓘曰相公
 誤矣此猶欲平舟勢而移左以置右也果然將失天下之

望惇既至以漸盡復熙豐之法治元祐人之罪無辜日司
 馬光呂公著王巖叟趙瞻韓維孫固范百禄胡宗愈司馬

康等已死者皆追貶奪贈呂大防劉摯蘇轍梁燾范純仁
劉奉世韓維王覲韓川孫升呂陶范純禮趙君錫馬默顧
臨范純粹孔武仲王欽臣呂希哲呂希純呂希績姚勗吳
安詩王份張耒晁補之黃庭堅賈易程頤秦觀朱光庭孫
覺趙高李之純杜純李周蕪載范祖禹劉安世鄭俠等皆
連貶竄文彥博久致仕降為太子太保罷節鉞尋薨皇后
孟氏太皇太后所選聘也在中宮五年而廢章惇蔡卞請
追廢太皇太后賴太后向氏太妃朱氏泣諫上悟惇卞堅
請施行上怒曰卿等不欲朕入英宗廟庭乎抵其奏於地
首叛呂畏與大防相及熙寧元豐安石之政將音漿
復音伏治平聲奪贈追論前罪貶其官爵奪其封贈勳音
免份音彬耒音雷去聲罷節鉞追節旄斧鉞不得為節
度使孟氏廢事見宋監紹聖三年向氏神宗后哲宗母向

劉氏

補按宋公唐制
置貴淑德賢四

音餉朱氏神宗如上下悟宋

○立賢妃劉氏為后右正言鄒

浩乞追停冊禮別選名族詔浩除名勒停羈管新州浩道
過其友田晝臨別出涕晝正色曰使君隱默官京師遇寒
疾不汗五日死矣豈獨嶺海之外能死入哉願無自沮士
所當為者未止此也冊禮冊立皇后之禮勒停
年上崩在位十五年改元者三壽三十五皇弟立是為徽
宗皇帝改元者三元

徽宗皇帝

名佶神宗第十一子也初封端王哲宗崩欽聖

憲肅皇太后向氏召宰執議立嗣后欲立端王章惇曰端

王浪子耳曾布身長望見端王已在簾下叱曰章惇聽太

后處分王出簾惇惶恐失措王即位請太后權同處分軍

太后
同慶
分軍
國事

范純仁等叙

補綱鑑注慶區慶也分分別也

國事范純仁等二十餘人並叙龔夫陳瓘鄒浩為臺諫

處音祚下同分音墳去聲下同三十○韓忠彥為右僕射

忠彥琦子也○文彥博司馬光等三十三人追復官三人

文彥博王珪呂太防劉摯韓維梁燾司馬光呂公著孫固傅堯愈趙瞻鄭雍王巖叟范祖禹趙彥君錢總顧臨趙君

錫李之純呂大忠鮮于澹孔武仲姚勗盛陶趙高孫覺杜純孔文仲朱光庭李周張茂則高士英孫升亦皆章惇得

志時追貶奪○太后垂簾半年而還政○章惇罷尋竄○

韓忠彥曾布左右僕射○貶邢恕○貶蔡京蔡卞安石

婿也先是臺諫龔夫陳瓘任伯雨等攻卞罷其執政京為

翰林承旨瓘見其視日不瞬謂此人必大貴然以其區區

精神敢抗太陽他日得志必為天下患瓘語人曰射人先

射馬擒賊先擒王連疏攻之甚力京罷尋又以御史陳次

○射音石

太后還政

上紹熙之政

正不容於朝

延禧立天女真阿骨打

按女真臣於遼避興宗諱改女真

升等言與卞俱貶任音壬翰林承旨官名位在諸學士上居東第一閣大誥令大廢置丞相密畫

內外密奏皆專受專對○音舜目動曰瞬語去聲射人先云云杜甫前出塞詩詞引以喻去惡當去其魁○上

意專欲紹述熙豐之政而曾布微有兩存熙豐元祐之意

故建中靖國初嘗畧變章惇蔡卞所為既而布迎上旨正

人任伯雨江公望陳瓘等不容於朝小人雖各有黨更迭

出入意向則同祖安石而已建中靖國四字年号更音庚

者蓋欲逐元祐之正人爾正人如任伯雨等時相曾布惇之各各行去元正人既去而邪人得以肆行其志紹聖佞人

邢恕章惇復得進用由平安石申學偏見佞人邪黨布滿朝廷而釀成靖康之禍者良有以也○遼主弘

基殂號道宗孫延禧立號天祚○女真阿骨打立女真本

名朱里真肅慎之遺種而渤海之別族也或曰本姓挾辰

韓之後三國志所謂挾婁元魏所謂勿吉唐所謂黑水靺

標記曾甫十八史卷之二

宗徽宗

鞬者其地也有七十二部落本不相統自太中祥符以後
 絕不與中國通有生女真者其類猶繁其酋曰巖版有孫
 曰楊哥太師遂雄諸部或曰楊割之先新羅人完顏氏女
 真妻之以女生子二人長曰胡來傳三人而至楊割阿骨
 打其子也為人沉毅有大志阿音遏拏奴加切辰韓東夷有馬韓辰韓辨韓元魏元氏
 北魏音未鞬音曷生女真木牟志居混同河南者曰熟女真以其服屬契丹也居江之北者曰生女真亦臣於契丹
 新羅國在東夷音砌三人人當作世○建中靖國丁年而改崇寧韓忠彥
 罷再追奪司馬光等官籍元祐黨人籍記姓名文彥博等九十一人尋
 宗室不得與其子孫及有服親為婚姻○曾布罷蔡京為
 相蔡卞執政再貶竄元祐人立姦黨碑京自崇寧為僕射
 歷大觀政和重和為太師嘗暫罷輒復入雖罷之日實執
 人固不知立碑之意但如司馬

籍元祐黨人

立姦黨碑

相公者海內稱其正直今謂之姦邪民不忍刻也
 初差役之復為期五日同列病其太迫知開封府蔡京獨如約悉改畿縣願役無一違者詣政事堂自光光喜曰使人人奉法如君何不可行之有

京子權

窮極之木

作萬歲山

勳莫典切

國命其間趙抃之張商英作相嘗與京異然在位各不過數月或一年而罷如何執中鄭居中劉正夫余深雖在相位或久或淺居中亦與京異常相排正夫亦小異然於京之權寵無損也京子攸之婦出入官禁攸遂大用至父子權勢自相軋上寵攸而尊京子弟親戚滿朝皆其父子之黨京倡邪說以為當豐亨豫大之運專以奢侈勸上窮極土木之功廣京城修太內盛築肉苑鑄九鼎鼎成以九州水土納鼎中及奉安北方寶鼎忽水漏于外作木殿樂作玉清神霄宮崇信道士林靈素策上為教主道君皇帝作延福宮作保和殿作萬歲山以朱勳領花石綱奇花異木怪石珍禽奇獸無遠不致民間一花一木之妙輒令上供

徽宗政和六年四月會道士于上清寶籙宮初帝以未得嗣子為念道士劉混康以法籙符水出入禁中建言京城西北隅地協堪輿倘形勢加以少高當有多男之祥始命為敷倪岡阜已而後官生子漸多帝喜益信道教於是蔡攸倡為異聞以逢迎之遂竭國家之力以經營土木之工及聞林靈素之言復於景龍門作上清寶籙宮密連禁署

有一花費數千緡一石費數萬緡者二十年間山林高深麋鹿成群改名良嶽又為村居野店酒肆青帝於其間每歲冬至後即放燈縱令飲博謂之先賞元宵觀音貫重平擯也輒也倡音唱鑄九鼎宋鑿魏漢律議制鼎各以奠八方曰蒼東方曰形南方曰晶西方曰寶北方曰魁東南曰阜西南曰壯西北曰風東北凡八而中曰帝鼎皆以九州水土納之忽水漏此啓其後北方致亂之兆大晟樂學校祭先聖樂神霄宮初名玉清和陽宮即福寧殿誕聖之後後改名神霄宮道君皇帝策立徽宗為道家教主號道君皇帝花石綱舟舡相繼一運為丁綱令去聲下同藥鹿鹿大曰麋小曰鹿良嶽改萬歲山為良嶽帝音廉酒旗飲博飲宴

○時星芒屢見地震河決怪異迭出率以為常京等誣奏甘露降祥雲現飛鶴蔽空竹生紫花芝草產于良嶽及諸州連理木雙花芙蓉芍藥牡丹至指臘月雷三月雪皆稱瑞表賀見音現連理木異本連輪雙花芙蓉○內侍

女真阿骨打

宮中山包平地環以佳木清流列諸館舍臺閣上下亭宇不可勝計阜城上作複道通寶籙宮以便齋醮之事又曰七年春二月辛未上清寶籙宮命林靈素講道經自是每設木齋輒費錢數萬謂之千道會道籙院上章冊帝為教主道君皇帝

童貫梁師成用事師成專務應奉以蠱上心勢焰熏灼竊威福於中童貫專務開邊生事於外皆與蔡京父子相表裏○女真阿骨打以重和元年戊戌稱帝初遼主天祚刑賞僭濫荒於禽色歲索名鷹海東青於女真女真與其隣東北五國戰鬪乃能獲此禽以獻不勝其擾阿骨打遂叛攻陷混同江東之寧江州遼遣將討之而敗又起中京上京長春西遼四路兵並進獨涑流河一路深入大敗三路皆退女真悉虜遼東界熟女真鐵騎益衆天祚親征復大敗女真乘勝并渤海遼陽五十四州又度遼西隆五州阿骨打遂建號改名昊國號大金明年破遼上京禽色禽獸

女真建號大金

補擊要惟金不變不壞金之色白完顏色尚白况所居按出虎

青五國之東接大海出三名鷹來自海東者謂之海東青五國與女真相去千里五其國名也混同江水出咸平府長

宋徽宗

水上綱目其國語謂金為按出

白山下一流未詳寧江州在契丹東北隅將海州刺史高仙壽中京在遼陽今二寧府上京長春西遼未詳涑流河源

國捍邊女真狼虎不可交宜早為之備上聞之不樂將音

郴州上言之上上聲○童貫自崇寧間與王韶之子領兵

復滄州任責措置邊事已而復鄆州廉州貫遂建節為宣撫既得志於西邊遂謂北邊亦可圖政和初乃自請奉使

覘遼國有燕人馬植者陳滅燕之策貫挾以歸更姓名趙良嗣復燕之議遂起政和未有漢人泛海來具言女真攻遼事重和春乃用蔡京童貫議遣馬政由海道至阿骨打

童貫任責措置邊事

高麗

綱目淮南盜宋江以三十六人橫行河朔轉掠淮南京東諸郡官軍莫敢嬰其鋒知亳州侯蒙

所居阿芝川涑流河與議共攻遼阿骨打遂遣使來宣和初至京詔京貫諭以夾攻取燕之意差軍校呼慶送其使由海道歸國是歲王黼為相力贊攻遼之策及呼慶復與金使來時阿骨打在上京遂遣良嗣往約金國取遼中京本朝取燕京歲幣如與遼之數良嗣曰燕京一帶則併西京是也金主亦許之以札付良嗣期以女真兵自平地松林趨古北南兵自白溝夾攻良嗣歸馬政復與子擴持國書往訂彼此兵不得過關未幾金使復來又以國書就付其使歸國時淮南京西河北江南相繼盜起山東宋江方就招安睦叔方臘連陷浙郡中都為震童貫南平方臘而北事作矣金人悉師度遼趨中京攻陷之中京者故奚國

遼主奔中夾山

上書言江才必有過入者不若救之使討方臘以自贖帝命蒙知東平府未赴而卒又命張叔夜知海州江將至海州叔夜使間者覘所向江遂趨海濱叔夜舟十餘載國獲叔夜募死士得千人設伏近城而出輕兵距海誘之戰先匿壯卒海旁伺兵合舉火焚其舟賊聞之皆無鬪志伏兵乘之禽其副賊江乃降

也遂引兵至松亭關以與宋有各不過關之約止引兵由其西而過遼主先已引避或言金前鋒將至遼主震驚亟奔雲中入夾山時燕主淳守燕蕭幹立淳為主宋童貫祭攸帥師東路至白溝西路至范村蕭幹迎戰甚力宋師敗退耶律淳死宋師再舉遼涿州將郭藥師領常勝軍來降宋兵五十萬進駐盧溝河蕭幹拒之藥師間道襲燕幹還救死鬪藥師屢敗僅以身免遁還盧溝之師遂潰貫攸懼無功獲罪時金主在奉聖州乃遣客禱金主圖之金主分三道進兵遂入居庸關燕降於金金使來言燕京以金兵攻下其地與宋租稅當以輸金宋使趙良嗣往議之許歲幣如契丹舊數外更以百萬代租稅而併求雲中之地金

論遼中夏之

有星如月

人僅以燕京涿易檀順景薊六州來歸貫攸入燕燕之金帛子女職官民戶金人席卷而東所得空城而已貫攸歸

以王安中知燕中府詹度郭藥師同知王韶之子淳復音

肅州屬甘肅更姓之更音庚復燕議李氏曰啓燕雲之

嗣來歸獻以取燕之策徽宗如之何不喜夫豈知天下不

大矣漢人高藥師阿芝之阿烏何切遣使李善慶京貫蔡

京童貫呼慶呼姓慶名燕京即幽州西京即大同府古北

關在順州北白溝在涿州南去安肅十五里亦名巨馬河

宋與遼人分界處源流未詳擴音廓築如字睦州屬江浙

今建德府為震之為去聲松亭關在景州北將至之將音

漿雲中郡名即西京燕王淳遼親王帥音率常勝軍涿州

又号曰常勝軍靈溝河在北平其源出於代名小黃河自

奉聖州入宛平境至北平東流入海奉聖州屬北平即新

州遣客王瓌進兵粘罕遼南暗使撻懶駙馬趁北平即阿

骨打趁居庸關居庸關在北平府昌平縣西景屬河東燕

燕京 ○有星如月徐徐南行而落光照人物與月無異

修神保觀

京師河東陝西地震

兩京河浙災異

河北山東盜起

金主稱帝

補松苗曰女化男男化女等事詳載本草綱目人偶部凡是等奇事所謂魔魅者時出衰亂之世愚美小民者耳而信其事筆之于書記者之愚可憫也凡好志怪者皆非正人也我國史略中亦為舊史所誤載怪事者今悔之欲再刻時盡刪之也

○修神保觀其神都人素畏之傾城男女負土以獻名曰

獻土又有飾作鬼使催納土者上亦微服觀之後數日旨

禁其神俗謂曰二即神使○京師河東陝西地震宮中殿

門搖動且有聲蘭州草木沒入山下麥苗乃在山上○金

國無城郭宮室用契丹舊禮如結綵山作倡樂鬪雞擊鞠

之戲與中國同但於衆樂後飾舞女數人兩手持鏡類電

母其國茫然皆發舍以居至是方營木屋數千間盡做中

國所為結綵山結綵為山倡樂倡優之樂鬪雞萃蹄養雞

通謂之鞞子鞠鞞音跋草也○兩京河浙路災異疊見都城有賣青

菓男子孕而誕子又有豐樂樓酒保朱氏其妻年四十忽

生鬚鬣長六七寸宛一男子詔度為女道士兩京京東京西見音現鬚

音賞鬚在日上曰鬚○河北山東盜起連歲凶荒民食榆皮野菜不

給至相食饑民並起為盜有張仙者衆十萬張迪衆五萬

高托山衆三十萬自餘二三萬者不可勝計○金主稱帝

六年而殂號太祖大聖武元皇帝弟吳乞買立改名晟燕

山之地易州西北乃金坡關昌平之西乃居庸關順州之

北乃古北關景州之北乃松亭關平州之東乃隄關隄關

之東乃金人來路凡此數關天限蕃漢得之則燕境可保

然關內之地平灤營三州自後唐為契丹阿保機所陷以

營灤隸平為平州路得燕而不得平州則關內之地蕃漢

雜處而燕為難保矣遼張穀守平州金已遣人招穀穀曰

契丹凡八路今持平州存耳敢有異志既而乃以平州南

幹烏活切腕个

附宋邊納之趙良嗣力爭以為必招金兵金人謀知即襲
 平州陷之得宋詔札自是歸曲累檄取鼓不得已命王安
 中益之而函送其首未幾金太子幹離不已由平州路將
 入燕矣宋方且遣人密誘天祚來降以童貫宣撫兩河燕
 山路將迎天祚金人方退天祚入陰夾山不可得至是領
 衆南出遂為金人所敗就擒契丹自阿保機至天祚九世
 而亡時宣和七年乙巳歲也是冬金幹離不粘罕分道而
 南幹離不陷燕山郭藥師降之金兵長驅而進郭藥師為
 前驅童貫自太原逃歸粘罕圍太原太原帥張孝純歎曰
 平時童太師作多少威重乃畏怯如此身為大臣不能死
 難何面目見天下士孝純以冀景守關知朔寧府孫翊來

金天

不離 燕山 粘罕 太原

白時 中 建 之 策

救兵不滿二千與金人戰于城下張孝純曰賊已在近不
 敢開門觀察可盡忠報國翊曰但恨兵少耳乃復引戰金
 人大沮再益兵力不能敵翊死焉無一騎肯降時王黼先
 一年已罷而白時中李邦彥並相皆鄙夫也金兵來時中
 但建出奔之策而已上內禪在位二十六年改元者六曰
 建中靖國曰崇寧太觀政和重和宣和太子立是為欽宗
 皇帝昌平縣屬北平音俞 諭音纒屬河東為契為金為
 同詔札 得宋朝 所賜手 詔歸曲 責宋理 典累上聲 幾如字
 離不之 不音享 將入之 將音幾 下並同 兩河 河東 河北 敗
 音拜 就擒 案金 削封 天祚 為王 送長 白山 築城 居之 九世
 遼阿保 機自 梁均 王貞 明二 年始 建元 至是 凡二 百一 十
 年死 難之 難去 聲朔 寧府 屬中 西即 朔州 觀察 唐乾 元初
 改採 訪使 曰觀 察處 置使 即今 提刑 按察 使也 孫翊 時兼
 此職 先音 霽內 禪傳 位本
 子建 中即 位二 年改 元

陳東
上書
六賊

上皇
李綱
李綱
守策
除元
籍黨
不離
京師

欽宗皇帝名桓在東宮無失德蔡京童貫輩咸悍之欲動

搖不可至是即位太學生陳東等伏闕上書乞誅蔡京童

貫王黼梁師成李彥朱勗六賊以謝天下彥以根括民田

破蕩百姓結怨於河北京東西三路者也勗以花右綱所

在騷動結怨於東南者也靖康元年首竄黼勗彥尋皆殺

之上聲拈田宋鑿政和六年案民契券而以樂史有

狐升御榻而坐者詔毀狐主廟狐王出處未詳此下節案

城守策○除元祐黨籍追贈范仲淹司馬光等官○白時

中罷李邦彥張邦昌為相○春正月韓離不抵京師先是

朝廷遣李鄴求和韓離不携鄴以攻京城不克乃遣王洵

與鄴偕來邦彥等皆主和惟綱欲戰上是邦彥之計遣鄭

望之出使未至而遇王洵與俱入見又遣李棡出使棡又

與金使偕來金人需犒師金五百萬兩銀五十萬兩牛馬

補玉篇劉以針刺也

金人
需犒
師金
段表

種師
道奏
宜劉
守拒

李邦
彥專
議和

欽宗皇帝名桓在東宮無失德蔡京童貫輩咸悍之欲動

宋欽宗靖康元年

卷之五

金人得地而退

統制官姚平仲宵攻金營不克上大驚懼嚴行營罷李綱以謝金人太學生陳東及都人數萬伏闕乞復用綱得旨復右丞充守禦使眾乃散金使復來乃以割三鎮詔書遣使持往時括在京金僅得二十餘萬兩銀四百餘萬兩藏蓄已空金人圍京城凡三十三日得割地詔不俟金幣數足而退种師道請臨河要擊之綱亦以為彼兵六萬而我勤王之師二十餘萬縱其半渡而擊之必勝邦彥等不後惟詔三鎮仍堅守不割

補按構欽宗第

中山之中音仲間音澗質音致康王皇弟構中箬之中去聲箬音括箭受弦處曰箬中箬謂後矢破前矢也更音庚肅王亦皇弟徽宗第五子种師道等師道與同鎮陝西路姚平仲鄜延張俊韓射中環慶汪洋馬廷熙河姚古秦鳳种師中及折彦質折可求等勤王兵勤於王事之兵俟困俟其糧乏兵困攔攔也圈也縱歸給以誓言詎復三鎮縱

上皇歸京師金兵復至

真古栗字

其歸國如字統制官掌宣撫軍政復用復右之復音伏三鎮中山河間大原括金王孝迪議括取在京軍民官吏金銀要○京師受圍時梁師成已誅至是竄蔡京於儋州

至潭而死年八十蔡攸竄萬安軍尋有詔即所在斬之童貫亦遠竄追斬於南雄儋音檐在南海南雄今南寧府屬廣東○李

邦彥罷張邦昌吳敏並相邦昌罷徐慶仁相慶仁敏罷唐恪相恪罷何奩相奩音○上皇歸京師數月金兵復至軒

離不由東路陷真定長驅先抵京師粘罕由西路陷隆德

太原府汾澤州平定軍平陽府河南府河陽府鄭州懷州

抵京師張叔夜等統兵赴關唐恪耿南仲專主和議曰今

百姓困匱養數十萬於城下何以給之乃止各道兵毋得

動京師自十一月受圍凡四十日有卒郭京者言能用六

甲

甲

標記增補

卷之十一

宋欽宗

十六

和議
虞演切說文
懼也一曰切肉

甲法生擒粘罕幹離不盡令守禦人下城獨坐城樓上以親兵數百自衛俄頃金人鼓譟而進京給眾曰須自下城作法因引餘兵南遁虜兵登城者纔四人眾皆披靡大潰上聞城陷慟哭曰朕不用种師道言以至於此時師道前一月卒矣護駕人猶有萬餘馬亦數千張叔夜連戰四日斬其貴將一人欲護駕突圍而出上惑於和議不遣士卒號哭而散虜使劉晏請上出城都民爭入鬻而食之何臬欲率都民巷戰聞者爭奮金人由是斂兵不下惟以割地責金幣和議為辭以誤戰守之計侍郎耿南仲力主議和上以為然遂隨其計二元帥請與上皇相見上曰上皇驚憂已病朕當自往遂如青城見之二宿而返明年春復請

范瑒
出上

金立張
邦昌
帝以
北帝
歸

李若
水死

徐度却掃編曰政和間始采周之王姬之稱而改公主曰帝姬郡主曰宗姬縣主曰族姬議者謂姬蓋周姓猶齊女曰齊美宋女曰宋子皆因其姓而繫之國不曰周姬而曰王姬者蓋別於同姓諸侯魯姬衛姬耳國家雖此乃豈曰帝趙不得曰帝姬若以姬為婦人之美稱則亦不可漢書高五王傳諸姬生趙幽王友師古注曰諸姬怒言眾妾之

上出郊續逼出上皇張叔夜諫曰今上一出不歸陛下不可再往臣當率勸精兵護駕以出縱虜騎追至臣決死戰或可僥倖若天不祚死於封疆不猶生陷於夷狄乎上皇欲飲藥為范瑒所奪逼上皇出宮皇后太子親王帝姬皇族前後三千餘人悉赴軍前城中子女金帛寶玩車服器用圖書百物括索公私上下俱空然後宣金王詔書選立異姓遂冊前太宰張邦昌為楚帝以宋二帝北歸金人在汴凡七閱月而去始至張叔夜嘗力戰餘皆主和以至吳汧莫儔王時雍徐秉哲范瑒等往來逼逐上皇以下出郊議舉異姓方上在青城逼易御服時惟李若水抱持大呼奮罵金人刀裂其頤斷其舌而後梟之相謂曰大遼破死

稱又非所以稱
帝也

何東
張叔
夜不
食而
死

補語字可疑或
質之誤
按韻會頤同頤

義者十數今南朝惟李侍郎一人然一時憤死者甚衆金
人不知也吳華結衆欲劫還二帝為范瓊誘殺何奩孫傳
張叔夜秦檜司馬朴皆爭論亡存立趙氏金人驅之從上
北行叔夜不食粟惟飲湯過界河死梟至燕亦不食死當
京城危急時四方勤王之師至者皆詔止不進恐妨和議
訖金人之退未嘗交兵上在位不二年國破改元曰靖康
弟康王立于南京是為高宗皇帝真定府屬河北即鎮用
定軍屬山西河陽府屬
山西懷州屬河東即河內郡六甲法如甲子甲寅甲辰甲
午甲申甲戌遁甲之法神師道言先是金人之去師道請
要擊之不從曰異日必為後患至是果然二元帥幹離不
粘罕青城虜營為范之為去聲下同帝姬徽宗政和三年
改公主為帝姬音堅往來云云萃蹄云往來議事以至
諸藥異姓者吳玠莫儔也通逐上皇以下出郊者王時雍
徐秉哲也有懼都人者范瓊也呼去聲頤頤頤頤頤
音端上聲十數之數上聲論去聲界河出霸州東入于海

論靖
康之
禍皆
小人
之誤

南京即應天府○呂中曰靖康之禍視石晉無以異然契
丹三入中國而三敗契丹竭其力攻之而晉亦竭其力禦之晉
力雖疲而契丹亦弊矣觀澶州之戰虜乘風縱火以迫之
而晉軍饑渴之餘乃大呼而求戰向使如靖康時則望風
而走矣若非杜威之降晉不亡也契丹之敗晉以百戰而
靖康之取兩河再渡河追京師未嘗有一戰之勞皆小人
之夷狄終始誤之也其始也開闢以召禍後也又欲連和
以免禍靖康之賁國除虜即靖康主和之人也靖康之主
和即宣和開闢之人也宣和開闢即熙寧紹
聖用兵之遺孽也履霜堅冰其來有漸矣

南宋

高宗皇帝名構徽宗第九子也母章氏徽宗夢吳越武肅
錢王入室己而生構封康王靖康初嘗出使幹離不軍是
冬幹離不再來奉詔再出使耿南仲偕行至相州民遮道
請無往至磁州守臣宗澤止之相州守以蠟書言金人方
遣騎物色康王所在乃回相州與南仲揭榜召兵勤王有

指
標

補按綱目建武
五年集覽物色
訪之畫象其人
物顏色以訪求
之

西
京
已
曾
補

八
史
卷
五
十
一

南
宋
高
宗

八

左傳僖公二十四年介子推曰獻公之子九人唯君在矣

詔以康王為大元帥汪伯彥宗澤為副領兵入衛王從伯彥議出北門渡河至大名聞京師陷澤請進兵向京城伯彥請王移兵東平措身安地南仲亦以為然遂東去知河間府黃潛善亦領兵至進屯濟州探報二帝北行張邦昌為金所立國號楚是日風霾日有薄暈百官慘怛邦昌亦有憂色惟王時雍范瓊等欣然若有所得吳越國武肅謚錢王錢姓王爵名鏐相州守汪伯彥蠟書藏書蠟中揭音羯東平府屬山東即鄆州濟州屬山東齊上聲探音貪為金之為去聲靈音埋風而雨土曰霾暈音韻但音丹不聲邦昌在位三十三日御史馬紳貽書邦昌請速行改正易服歸省遂迎元祐孟太后聽政太后迎立康王詔告中外有曰漢家之厄十世宜光武之中興獻公之子九人惟重耳之尚在遣使奉表及以孟后詔來

改元建炎

車駕至揚州金人分道南來

○澈音徹

邦昌繼至伏地慟哭請死使臣自河北竄來進道君手札曰便可即真來救父母王慟哭拜受遂趨應天府即位改元建炎以主和誤國罷竄耿南仲召李綱為相以宗澤知開封為留守綱至邊防軍政略有緒而潛善伯彥復主和亟遣祈請使矣綱相數十日而罷潛善伯彥為相首誅上書人陳東歐陽澈決策幸東南無復經制兩河之意是冬車駕遂至揚州金人分三道南來二年春金人至汴為宗澤所敗澤招撫群盜募四方義士合百餘萬糧支半歲表疏連數十請上還汴潛善忌其成功從中沮之憂憤疽發背而沒臨終無一語及家事但連呼過河者三都人為之號慟聞者皆相吊出涕易音亦孟太后哲宗后時不宮有位者皆從二帝惟孟氏以廢得存

瑯邪代醉編云
粘罕兀末皆以
小字行粘罕名
宗維兀末名宗
詩小雅六月篇
張仲孝友朱注
張仲甫之友
也

補金粘汝喝入
龔慶府衍聖公
孔端文已避敵
南去軍士欲發
孔子墓者粘汝
喝曰大聖人墓
安可焚殺軍士
於是獲存

張浚字德遠唐
相九齡第九子
鼻之後
張俊字伯英鳳
翔成紀人

上如
杭州東如
金道人
渡江

上如
建康

獻公晉侯使臣曹歙道君徽宗即真諭令即位上書之上
上聲上書人陳歐網罷相二人上言力諫潛善伯彥不可
任季綱不可去及諫用事者潛善伯彥奏誅之兩河河南
河北南來粘罕自雲中下太行將渡河攻河南韓離不兀
水自燕山內渡河攻山東棗宿撒喝自同州渡河攻陝西
為宗之為去聲下同敗音拜呼去聲○中興人事記曰自
古未有內外不相應而成功者有張仲孝友主於內而後
吉甫得以專征於外孔明欲出師於外則必任禕允於內
建炎之初網在內澤在外此正天機二人以開中興之治
也使二人得盡行其志必能復君父之讐雪宗廟之恥使
神人之憤憤惜夫網相則澤之志行網去則澤之計沮蓋注
黃既用事於中則澤安能措手於外既主棄東南之議則
還京之請雖二十疏而何益縱使渡
河而北指日成功亦安能免後患哉三年春金人將至揚
州上得報亟出二相方會食堂吏呼曰駕行矣乃我服南
走回望揚州烟焰已漲天矣呂頤浩張浚追及上於瓜洲
得小舟以渡至鎮江遂如杭州罷潛善伯彥以朱勝非為
相御營將苗傅劉正彥作亂請上禪位於皇太子專未三歲

孟太后聽政呂頤浩張浚帥師勤王韓世忠為前軍張俊
翼之劉光世游擊為殿勝非說二克亟反正尊孟后為隆
祐皇太后勝非罷呂頤浩為相二克走世忠追之皆伏誅
上如建康以浚為川陝宣撫處置使隆祐太后如南昌聞
兀末請於粘罕將犯江浙故也將至之將將犯之將並音
去聲瓜洲渡在揚州鎮江府屬江浙即京口勇音乎未三
歲勇年未周三歲帥音率翼之助也殿音顛去聲說音稅
二克苗傅劉正彥亟反正云案宋監勝非又上疏本后
乞高宗還位嗣君立為皇太子詔皆從之勝非罷以不能
止二克之亂川杜充為右僕射守建康上如杭州升杭為
臨安府自臨安如浙東金人分兩道一軍自蘄黃渡江劉
光世在江州以為蘄黃小盜遣王德非之於興國軍始知
為金人金人自大冶趨洪撫建昌臨江吉州追隆祐太后

○治音也

西宗已

南宋高宗

楊州刺史

已次 章鎮

不及遂陷袁潭荆南澧州乃自石首北渡而去一軍自滁
 和向江東馬家渡濟江陷建康杜克及守臣皆降於兀木
 通判楊邦人不從刺血書裾曰寧為趙氏鬼不作他邦臣
 衆擁見兀木誘諭累日輒叱罵卒大罵見殺兀木長驅陷
 杭州上去已七日兀木進陷越州四年春陷明州時上已
 次台州章安鎮金人以船犯昌國縣欲追襲上舟提領海
 舟張公祐引大船擊散之乃退回兵陷秀平江常州至鎮
 江韓世忠邀之以海舟與戰數十合多俘獲伏卒金山龍
 王廟幾獲兀木相持於黃天蕩兀木求假道甚恭不許欲
 自建康北歸不得去或教於治城西南隅蘆場地鑿大渠
 一夕成次早出舟趨建康世忠大驚尾繫之一日值無風

金人 北道

金人 調元

海舟不能動兀木乃引其舟出江北去疾如飛以火箭射
 海舟世忠軍亂奔還兀木乃得北遁統制岳飛邀擊敗之
 於六合興國軍屬湖廣大冶縣屬興國軍洪撫即臨川郡
 州澧音禮皆屬湖廣石首縣屬江陵淶和州屬淮西即歷
 陽郡馬家渡在太平降音項平聲又音刺音次針刺擁
 見之見音現累上聲卒大之卒音遵个聲明州屬浙東今
 慶元府台州屬浙東昌國縣屬慶元秀今嘉興府常州皆
 屬江浙金山在江中去鎮江城十里統制岳飛統制官岳姓飛名敗音拜
 命浚三年而後用師及是桂辣兀木皆在淮東浚聞兀木
 躊躇必再犯東南議出師攻取以分其勢士大夫及諸將
 皆以為不可浚決策移檄粘罕問罪遣吳玠入長安金人
 遂調兀木自京西星馳赴陝西與婁室合浚合六路兵至
 富平婁室擁兵驟至鐵騎直擊環慶路趙哲軍佗路不援

上自
州
秦檜

補按嘗為下當
有粘罕二字事
見弘簡錄檜傳

劉豫
帝

哲離所部諸軍退金遂乘勝而前浚斬趙哲諸路兵皆散
去陝西大震浚駐軍興州遣劉子羽訪諸將所在各引所
部來會人心粗安吳玠支保大散關東和尚原（辣音闕不聲調去聲）
婁室金將六路同州鄜延環慶熙河秦鳳澤原 ○上自海
道回駐越州呂頤浩罷范宗尹為相秦檜南歸赴行在檜
在北依捷辣為所任用捷辣南侵檜參謀其軍嘗為草檄
下山東州郡挈全家泛小舟抵漣水軍自言逃歸朝士多
疑之檜言如欲天下無事須是南自南北自北乞上致書
捷辣以求好其言皆捷辣意也（為所之為去聲下並同連水軍屬淮南今安東州好）
去 ○是歲劉豫稱帝豫景州人於建炎戊申以濟南守降
金為之用得知東平府兼節制河南粘罕白金主循邦昌

國號
大齊

命張
俊討
李成

張浚
畫失
之陝西

魏公嘗按視曲
端軍端執楹以
軍禮見傍無一
人公異之謂欽
點視端以所部
五軍籍進公命
點其一則於庭
開籠縱一鴿以
往而所點之軍
隨至張為愕然
既而欲盡觀於
是悉縱五鴿則
五軍頃刻而集
戈甲煥燦旗幟
精明魏公雖面
獎而心實忌之
南宋紹興月張
浚親左武大夫
曲端浚自富平
敗後乃思端言
召之還稍復其
官使聞州將復

故事立豫國號大齊後遷都于汴粘罕既得關中地悉割
以與豫（濟上聲降金豫為濟南木守而降於金） ○紹興元年命張俊討江淮
盜李成成據江淮六十州連兵數萬有席卷東南之意尋
陷江筠臨江俊擊其軍復三郡成遁降齊（江筠今瑞州三郡江州筠州臨江皆屬江西復音伏下同） ○張浚畫失陝西之地惟餘階成岷鳳洮五
郡及鳳翔府之和尚原隴州之方山原而已浚退保關州
統制曲端有威名浚先用譖罷其兵柄安置萬州西人倚
端為重及貶軍情不悅至是又送恭州獄殺之十大夫軍
民皆悵悵西人益以是非浚（五郡階成岷屬華昌鳳屬屬曲端曲姓端名萬州屬川南西人陝西人恭州屬川南今車慶府非浚以殺申端事而非議張浚） 金人
分兩道向蜀吳玠與弟璘大敗之於和尚原又選將敗之

用之王度從而
間之吳玠憾端
因書申端謀及
四字于圭示浚
庚又言端嘗作
詩頭柱日不向
關中與事業却
來江上泛漁舟
謂其指存乘輿
浚乃送端于秦
州玠有武臣康
隨者嘗以事忤
端端鞭其背隨
深憾之會浚以
獄授玠玠曰吾
其死矣隨至命
獄吏繫維端以
紙糊其口脅之
以火端乾渴求
飲與之酒九竅
流血而死陝西

上還

元眞

於箭筈關兩道皆不能入麟音隣敗音拜下同○范宗尹
罷秦檜昌言曰我有二策可以聳動天下遂為右相呂頤
浩為左相○兀朮會諸道及女真兵造浮梁於寶雞縣渡
渭攻和尚原玠璘三日三十餘戰大破之兀朮中流矢僅
以身免始自河東歸燕山寶雞縣屬鳳翔中去聲○紹興二年上自
越州還臨安言者劾秦檜專主和議沮止恢復遠圖檜罷
朱勝非為右相言者黃龜年○紹興三年春金撒離曷自鳳翔
長安聲言東去實由商於出漢陰直趨金商吳玠急引兵
扼之饒風嶺金人間道遠出其後玠遽還仙人關金人遂
進陷興元知府劉子羽退保三泉縣潭毒山撒離曷食盡
乃引還吳璘以無糧拔寨棄和尚原金人得之玠度其必

中木夫以端累
立木功死非其
罪莫不痛惜之
軍士悵恨有殺
去者
撒俗捺字曷何
葛切

深入乃嚴兵以待兀朮果與撒離曷來犯仙人關玠璘與
戰七日金人不能支宵遁玠設伏扼其歸路又敗之是舉
也金人決意入蜀卒不得志是歲浚又失岷關外惟存
階成秦鳳浚召還尋與劉子羽皆敗竄浚是行本欲由關
陝取中原乃盡喪關陝而歸賴得玠璘保蜀而已漢陰縣屬金州

金商二州皆屬陝西饒風嶺在金州仙人關在鳳州三泉縣屬木安度音堂个聲敗音拜下並同敗竄浚福州居住

子羽安置白州○齊遣李成攻陷鄧襄隨郢唐州信陽軍

等岳飛復隨郢成棄襄陽而遁郢今安陸府信陽軍即中州已上六州隨郢屬湖北

餘皆屬河○呂頤浩朱勝非相繼罷趙鼎為右相○齊以

金兵分道南侵上詔親征出如平江以張浚知樞密院先

是浚極言北方既無西顧憂必併力窺東南上思其言遂

金兵

張俊視師江上

將 鮮元成閱宋二

補網鑑會編注。曰大儀鎮在今江都縣西。

召之浚至請遣岳飛渡江入淮西以牽制北兵之在淮東者殺之上命浚視師江上將士見浚來勇氣皆倍時韓世忠駐揚州先已大敗金兵於木儀鎮擒其將權也鮮元成閱與戰于承州十三捷仇念孫暉敗之於壽春安豐王德敗之於滁州岳飛遣牛皋等攻之於廬州捷辣兀木知為世忠所扼江不可渡引還齊劉麟劉猊棄輜重遁去皆倍

倍也大儀鎮所在未詳詳解音蟹姓也承州屬淮東今高郵府仇念宋將仇姓念音豫壽春府屬淮西即壽州安豐壽春屬縣廬州屬淮西為世

臨安趙鼎張浚為左右相浚兼都督諸路軍馬尋復命浚視師江上浚至鎮江召韓世忠使舉兵移屯楚州浚至建康撫張俊軍至太平州撫劉光世軍無不踊躍思奮以岳

揚公即揚太見綱目紹興五年岳鶴林王露曰岳飛偶獲一諜者問其巢穴對曰險阻安可入惟飛乃能入取飛大笑曰天遣汝為此言吾必破其巢穴三軍大喜迄乎之

金主 宣音冊上聲

標言增補

南宋高宗

二五

飛為河北京西招討使太平州屬江 ○先是建炎庚戌中

有武陵人鍾相起於鼎州僭號楚鼎澧潭辰岳之境皆盜

區相敗就擒其徒有揚公者據洞庭遂為劇寇官軍陸襲

之則入湖水攻之則登岸曰有能害我除是飛來浚謂上

流不先去公為腹心害將無以立國請自行浚至湖南會

岳飛兵至急攻其水寨公窮蹙赴水死遂平浚自湖南轉

由兩淮會諸將議防秋乃入見武陵縣屬常德相去聲鼎

○金主晟殂謚文烈初是與晟約兄終弟立而後復歸是

之子故晟捨己子宗盤而立是長孫曷囉馬為諳版字極

烈諸副位也曷囉馬名宣至是遂即位宗盤與是之別子

禮岳州屬湖廣即巴陵郡公音腰去聲將無之將音漿

兩淮淮東淮西防秋秋高馬肥必防外夷侵境見音現

蒙國

分道

及粘罕皆爭立而不得粘罕時已失兵柄與悟室並相粘罕絕食繼飲而死蒙國叛金蒙在女真之北在唐為蒙兀部亦號蒙骨斯復音伏已音紀曷囉馬金志作曷刺馬是力子宗峻之子儲副位宋史云字極烈猶中國之總管案金志是力未年除諸版字極烈為都元帥又云金國自來以諸版字極烈為儲副故晟以直任諸版字極烈之職以為儲副蒙紹興六年張浚復出視師上自臨國元朝之興始此安如平江齊人分道入寇初劉豫因粘罕得立知奉粘罕而已蔑視他帥及是請兵於金宗盤沮之聽豫自行而遣兀术提兵黎陽以觀釁劉光世時駐廬州以為難守張俊駐泗州亦請益兵眾情洶懼張浚以書戒俊及光世有進擊無退保趙鼎等請上親書付浚欲退師還南保江浚力爭以為可保必勝一退則大事去矣光世已舍廬州而退

上皇

南宋高宗

卷七

浚即星馳至采石遣人喻其眾若有二人渡江即斬以徇仍督光世復還廬州光世不得已乃駐兵遣王德慶瓊三敗齊兵於霍州正陽及前羊市時劉猗至淮東阻韓世忠兵不敢進乃從淮西渡浚遣張俊統制官楊沂中至濠州與後合兵沂中敗猗前鋒猗引兵欲會劉麟于合肥而後進沂中與遇於藕塘合戰猗大敗麟聞猗敗望風潰去光世乘勝追襲亦捷北方大恐上曰克敵之功皆出右相趙鼎遂罷保江以江為限自保爭如字舍音捨復還之復音伏敗音拜下同霍州屬安豐前羊市皆霍州地合肥縣屬廬州○上皇以五年四月殂至七年春凶問始至壽五十四二帝自建炎初由燕山如中京古奚國霅郡也在燕山北千里次年又自中京移韓州在中京東北千五百里

議主和

補

肉艱母喪也
綱目浚謂飛曰
王德淮西軍所
服浚欲以為都
統而命呂祉以
督府參謀領之
如何飛曰德與
鄙瓊素不相下
一旦握之在上

後二年又自韓州移五國城在金國所都東北千里上皇
終焉雷音 ○岳飛為湖北京西宣撫使時淮東宣撫使韓
世忠江東宣撫使張俊皆久已立功而飛以列將拔起世
忠俊不平飛屈己下之二人皆不答及飛破揚公俊益忌
之於是嫌隙日深上自如平江如建康飛因扈駕以行入
見疏論恢復秦檜時為樞密副使主和議忌飛成功沮之
飛以肉艱去上力起之劉光世以言者論其退師幾誤事
罷兵柄張浚以王德統其軍德與鄙瓊等夷不相下大謀
詰督府訖德浚乃召德還為督府都統制而以呂祉為督
府參謀領其軍祉簡倨不通將士之情聞瓊等及側密乞
罷之瓊叛執祉以所部數萬降齊張浚遂以言罷浚之用

劉豫

胡銓

則必爭曰尚書
不習軍旅恐不
俊服衆浚曰張
飛曰張宜撫飛
之舊師也其人
暴而寡謀汴中
視德等甲亦豈
能御此軍哉浚
然曰固非大
尉不可飛曰都
督以正問飛飛
不敢不盡其愚
豈以得軍為念
哉飛既與浚忤
即日上前乞終
喪服以張憲攝
軍事步歸廬山
廬母墓側浚怒
遂以張宗元權
宣撫判官監其

德與祉岳飛嘗言其不可浚不聽故敗趙鼎復相已音細
疏去聲恢復之復音伏艱丁憂 ○金人以劉豫不能立國
廢之齊立八歲而亡 ○紹興八年上自建康還臨安秦檜
復相趙鼎罷詔議講和自建炎以來無歲不遣使直願去
尊號奉其正朔比於藩臣金人不從使者往多拘囚後數
南侵不利知江南不可圖然後遣檜為間至豫廢和議乃
決金使張通古來編脩官胡銓上疏以為陛下屈膝則
祖宗廟社之靈盡汚夷狄祖宗之赤子盡為左袵朝廷宰
執皆為陪臣異時豺狼無厭安知不加我以無禮如劉豫
夫三尺童子無知指犬豕而使拜則佛然怒堂堂天朝相
率而拜犬豕曾無童稚之羞邪奉使王倫誘致北使以招

金以河南

軍。云高孝二帝。銳志於復讎。惜乎無謀者。輕舉浪戰。屢致敗。以沮喪主心。時有如岳公將才。令不得盡其用。而逆秦乘隙成奸。謀也。其罪蓋有所歸焉。按是時李綱亦上疏言。今者倫之。歸與虜使。借乃不著國號。而曰江南。不云通問。而曰詔諭。此何禮也。漢書師古注。葦街街名。蠻夷所居。在此街也。

諭江南為名。欲臣妾我。執政孫近附會秦檜。臣義不與檜等共戴天。乞斬倫檜近三人。頭竿之藁街。然後羈其使。責無禮典。問罪之師。三軍之士不戰而氣自倍。不然。臣有蹈東海而死耳。寧能處小朝廷。求活邪。書上連敗窟。音上聲。音朔。音澗。上疏之上。上聲。左社。音作。上聲。衣襟也。左社。夷狄之俗。陪臣諸侯之臣。厭音淹。如劉豫。劉豫既立為帝。而又廢之。夫音扶。佛音佛。曾音層。妾音踐。敗窟。初音韶。州次。新州。後海南。○紹興九年。金人先以陝西河南地歸宋。朝廷遣官謁陵寢。交地界。除汴京留守。陵寢。歷朝墳。陵寢廟。留。○青澗城。李世輔來歸。世輔之先累世為蕃族。都巡檢使。父子雖嘗仕齊。每相泣恨。不得歸宋。齊用世輔知同州。嘗得間生擒撒離曷。欲歸朝。金兵來追。繼之。而奔西夏。其父母及二子一孫皆被戮。至是乞兵。

李輔果顯名

部。一本作却。史魯仲連傳。彼秦者。弃禮義而。上首功之國也。權使其士虜使。其民被即肆然。而為帝過。而為政於天下。則連有蹈東海而死耳。吾不忍為之民也。

金兵分四道南

於夏以復。既出則知陝西已還。宋乃部夏兵而來。上慰勞加賜賚賜名顯忠。青澗城在陝西。今紇德州。累上聲。澗音澗。二子一孫。名皆未詳。復音伏。勞去聲。○金國有謀及者。事連宗盤等。皆坐誅。左副元帥撻辣實揚割長子。金主亶之大父行也。自粘罕死。宗戚大臣皆懼。撻辣與悟室。尋亦以謀叛。先後誅。金與宋和。實撻辣主之。撻辣既死。於是右副元帥兀朮為左相。乃密奏於其主。以宋未議歲貢。正朔誓表冊命。而撻辣擅許割地。遂渝盟。父大行。本父祖也。行輩也。○紹興十年。金兵分四道南侵。劉錡大破兀朮於順昌府。檜急啓上。召錡還。岳飛敗之於郾城。幾擒兀朮。飛至朱仙鎮。檜急啓上。召飛還。韓世忠敗金人於淮陽之泃口。兀朮還汴。檢兩河軍。與蕃部以謀再舉。南侵。聶勣守童出山東。撒

元末 州

羅 撫司

南宋紹興與張憲皆棄市。凡訟飛冤者或黜或死。傳成其獄者進秩。飛事親孝。立志慷慨。以必取中原。滅讎虜。為念。或問天下何時太平。飛曰。文臣不愛錢。武臣不惜死。天下太平矣。飛御士卒嚴而有恩。凡有頒犒。均給。軍夷秋毫無私。善以少擊衆。欲有所舉。盡名諸統制。與謀謀定而後戰。故有勝無敗。控遇敵不動。故敵為之語曰。撼山易。撼岳家

蒙元 自號 大蒙 稱帝

軍難張浚嘗問用兵之術。飛曰。仁信智勇嚴關。一不可。飛好賢。禮士。覽經史。雅歌投壺。怡怡如書生。

金主 亮 亮 亮 亮

離曷跋。陝右李成。跋。河南孔彥舟等。抵東京。敗。音拜。下並同。鄆城。縣屬許州。幾。音機。朱仙鎮。在汴京西南四十五里。加音。○十一年元末陷廬州。侵和州。劉錡揚沂中敗之。於索臯。檜又啓上。亟班師。沂中自瓜州渡。返行在張俊。自宣化歸建康。劉錡自采石歸太平州。罷宣撫司。以其兵隸御前。遇出師時。臨時取旨。以韓世忠。張俊為樞密使。岳飛副使。飛世忠尋罷。元末以書抵檜曰。爾朝夕以和請。而岳飛方為河北圖。必殺飛。乃可。張俊又構成飛罪。逮赴獄。檜奏。誅飛及張憲。岳雲和議。遂諸歸。韋太后及徽宗梓宮於宋。金人不惟盡悔。所許陝西河南地。仍割唐鄧等州。入金。盡淮中流為界。西割商秦之半。棄和尚方山原。時宣撫使吳玠卒。四年矣。胡世將代之。力以和尚原等地為不可棄。元

末必欲之。遂以大散關為界。于時金國屢有內叛。宗戚大臣相繼誅夷。且北有蒙元。自號大蒙。稱帝。改元。連歲用兵。卒不能討。而與之和。南侵又不得逞。而宋之猛將精兵。方日盛。恢復實不難。沮於秦檜有志之士。抗腕歎息。元末且死。曰。南朝軍勢強甚。宜益加和好。俟十數年。南軍衰老。然後圖之。張浚趙鼎皆遠竄。鼎卒於海外。當時異議之人。貶竄殆盡。無復敢言兵者。

淮西就道。俊貽書以前途之糧。不為。及俊歸朝。反言飛逗留不進。以糧乏為辭。沮喪士氣。令方俟高交章劾飛。岳雲。飛子。梓宮人。死于棺。曰。梓宮世將之孫。音。玠。大蒙即蒙國。又曰。蒙古。又曰。韃靼。是為元朝。恢復之復音。伏。遠竄。浚。連州。鼎。興。化。軍。移。漳州。潮州。○紹興十九年。金主亶為其下所弑。共立丞相岐王亮。昊之孫也。○紹興二十年。金主亮

揚言城初十日

秦檜

論高宗不與檜之

欽宗

以上京僻在隅城燕京徙居之改燕京析津府為大興府號中都以中京會寧府為北京汴京開封府為南京而舊遼陽府為東京大同府為西京如故分蕃漢地為十四路置總管府○二十五年秦檜卒檜秉政十八年臨終猶

起大獄欲殺異己者張浚李光胡寅等五十三人幸檜病已不能書得免已音紹○劉氏曰靖康未檜任中司以抗

相九引一時仁賢如胡安國力之徒布在臺省士大夫丞丞之既而諸執政盡逐而檜獨留韓世忠張浚岳飛左擅兵

權檜與張浚密約議和而以岳歸後飛既誅世忠亦罷由是中外大懼盡歸于檜非檜親黨則不得任忠正之士多避山林罷兵議和而使高宗不能成中興之業者檜之罪可勝誅哉沉該万俟卨湯思退陳

康伯朱倬相繼為相万俟音墨其覆姓也倬音卓○三十一年欽宗西問至以去年冬殂於五國城年六十○金主亮修汴京蓋

補

詩藪海陵題數屏詩云萬里車書合混同江南那有別提封移兵百萬西湖上立馬吳山第一峰

按老學庵筆記揚公戰船有車船有樂船有海鯁頭

鯁俗鯁字取幽切音秋海鯁形長者牡蠣聚族其背崇十許丈鱗負以遊大者穴居海底穴

經營南侵幾年矣嘗因使來密藏畫工圖繪臨安山水城市宮室以歸題詩其上有立馬吳山第一峯之句是秋役

居汴遂渝盟舉兵其母諫殺之以威衆兵號百萬陷淮西諸郡江淮浙西制置使劉錡遣王權迎敵權逗留已而退

還奔采石報至中外大震有浮海避狄之議陳康伯不可命葉義問視師中書舍人虞允文參謀軍事金人陷揚州

趨瓜州劉錡遣將敗之於阜角林有詔令錡還軍專防江上金主欲由采石渡朝廷以李顯忠代權而未至金人舟

來虞允文亟督水軍海鯁船迎擊死鬪金人不能濟時亮聞有內變又聞舟師由海道來者已為李寶所焚而荆鄂

諸軍方自上流而下忿甚乃回揚州召諸將約三日必濟

票記曾補十八史卷七 南來高宗

金人

則海溢為潮。按亮既至江北，掠民船指麾欲濟。允文伏舟於七寶山後，令日旗舉則出伺其半渡。卓旗于山，人在舟中踏車以行。船不見，入虜以為紙船也。舟中忽發一霹靂，礮蓋以紙為之，而實以石灰。礮墜水中，硫黃得水而火，自水出，其聲如雷，紙裂而石灰散為烟霧，眯其入馬之目，咫尺不相見，遂壓虜舟入。

王內

過期盡殺諸將，遂弒亮。方亮之引而南也，渤海一軍叛去，已擁立葛王。亮于遼陽聞亮死，遂入譙京，追謚。曾為閔宗廢亮為海陵王，謚曰煬。亮之孫也。後改名雍，先是數年張浚嘗言：金必渝盟，時相湯思退等大駭，以為狂。至是浚起判建康，上自臨安如建康，浚迎謁，衛士見其復用，以手加額。暹音豆，敗音拜，阜角林在揚州，令去聲。三十二年上還臨安，金使來遣使報之，復尋和議。夏六月，上內禪退居德壽宮。在位三十六年，改元者二，曰建炎，紹興。皇太子立，是為孝宗皇帝。

嘉泰之瑞

馬皆溺。張氏者，子備之夫人也。按後漢崔瑗，字季玉，舉茂才，遷汲令。入歌之曰：天降神明，君賜我慈仁。父後胡廣薦瑗宿德，木儒遷濟北相。

張浚北伐

宗為康王，出使至磁州。磁人夢崔府君出迎，張氏以是歲丁未生伯琮於秀州。有嘉禾之瑞，小名羊。高宗喪太子，命選太祖之後，得伯琮，鞠宮中，賜名瑗。適與崔府君名同，封晉安郡王。秦檜疾其英明，而不能害也，竟立為皇子，賜名瑋，封楚王。紹興末，賜名昀，立為皇太子。尋詔即位，尊奉

上皇帝為光堯壽聖皇帝，皇后吳氏為壽聖太皇太后。稱時孝宗父已死，追封為考王，謚曰安僖，名子備，崔府君神名，識音志，瑗音院，昀音慎。○以史浩為右相，張浚樞密使，督師江淮，遂北伐。浩不與其議，力丐罷李顯忠出濠州，趨靈壁，敗金兵。邵宏淵出泗州，圍虹縣，降金將進克宿州。金副元帥紇石烈志寧率兵至，顯忠與戰，連日未決。謀報金人大興河南兵，將至會宏淵與顯忠不

張浚終身不主和議

按綱目孝宗隆興二年張浚得疾手書付二子棧拘云云棧即南軒先生也

相能而顯忠又不犒士士憤怨遂潰而歸金人亦解去上
 銳意恢復是役不利乃復議和陳康伯罷湯思退張浚為
 左右相浚仍以都督視師數月而罷未幾卒浚許國之心
 白首不渝終身不主和議遺命付其二子以不能復中原
 雪國耻不得祔葬先人之墓不與之與音豫丐音蓋乞也靈壁縣屬宿州敗音拜虹音
 降虹縣屬泗州降音項平聲宿州屬河南列志寧金帥名
 將至之將音漿恢復之復復中之復並音伏幾如字二子
 一名仲又其一未詳○劉氏曰魏公之志貫日月既有議
 之者然早歲晚節有不可辨者二力攻李綱而寧與注黃
 同朝不可曉也力引秦檜使至得政而寧與趙鼎語不
 相下不可曉也○呂中曰嘗觀國家自有中原之禍以
 來終始主戰者浚也終始主和者檜也以浚主戰而不免
 有冒平之敗鄧瓊之叛符離之潰以檜主和而江左少康
 二十年是以當時主議者寧為檜而不為浚游談者寧慕
 檜而不慕浚無他檜之所為與人之私心合也然千載而
 下言及檜則人皆思食其肉以快天地神人之憤言及浚
 則入莫不以手加額效林宗而慕李膺者矣以此見忠義

者人心之所同浚之所為又與人之公心合也彼富貴利
 達飄風過耳而端人正士英風常存是浚雖死而浚之心
 未嘗不行○湯思退密有召虜議和之迹言者論罷虜之
 道死康伯復相和議成先是國書大宋去大字皇帝去皇
 字書用君臣之禮有再拜等語金使至則起立問金主起
 居降坐受書奉使者自同陪臣館伴之屬皆拜其來使至
 是始稱上為宋皇帝止為叔姪之國易歲貢為歲幣歲幣
 減十萬之數地界如紹興之時而餘禮往往竟不能盡改
 上終身憤之其後屢請還河南陵寢地改受書禮金人卒
 不從蓋上雖有志復讐而無能輔其志者自陳康伯卒後
 共造葉顥魏杞蔣芾陳浚卿虞允文梁克家曾懷葉衡史
 浩趙雄王淮周必大留正相繼為相惟浚卿允文並相時

年六月召朱熹為秘書郎不至。先是陳俊卿劉珙薦熹為樞密院編脩官累召不至。史浩復薦熹知南康軍再辭不許。至南康值歲不雨講求荒政多所全活。同八年九月以朱熹提舉浙東常平茶鹽。冬十一月下熹社倉法于諸路。浙東大飢熹始拜命即移書他郡募米商蠲其征及至則米已轉集熹日鉤訪民隱按行境內單車

有經營北方之議而後卿持重卒與允文不合允文所為人亦議其虛誕竟不效如浩尤不主用兵必大從容廟堂善類多所引進朱熹以淳熙十五年被召必大作相時也初程頤卒於徽宗之世其徒楊時在欽宗光堯時皆被擢趙鼎雖不及識頤而主張其學惡之者以楊時為還魂鼎為尊魂胡安國為強魂其後又有尹焞見召入經筵焞蓋頤晚年高弟也士大夫名程氏之學曰道學時好所尚或冒此名以進時好不同亦多以此名見擠於世延平李侗受學於楊時之門人羅從彥而熹又受學於侗胡銓嘗薦熹於光堯熹不至乾道以來屢召不起特旨改秩奉祠召入館不就後為南康守浙東荒除熹提舉往救之過闕嘗

進封

名言

屏徒從所至人吏憚其風采至自引去所部肅然熹言乾道四年民艱食熹請於府得常平米六百石賑貸夏受粟于倉冬則加息計米以償自後隨年斂散歉蠲其息之半大飢則盡蠲之凡十有四年以元數六百石還府見儲米三千一百石以為社倉不復收息每石止收耗米二升以故一鄉四十五里間雖遇歉年民不飲食

一入奏事至是召對除兵部郎與侍郎林栗不合即奉祠去數月復召熹辭惟進封事言天下之大本與今日之急務大本在陛下之心急務則輔翼太子選任大臣振舉綱維變化風俗憂養民力修明軍政六者是也熹之同志有廣漢張栻者魏忠獻公浚之子其學得之胡宏宏安國子也栻之言曰有所為而為者利也無所為而為者義也學者誦為名言稱栻為南軒先生有呂祖謙者公著之五世希哲之四世孫也亦祖程氏之學學者稱為東萊先生皆先是數年卒矣惟熹學問老而彌篤學者共師宗之稱為晦菴先生四方仰其人如泰山北斗南使至此金人必問朱先生安在同時有臨川陸九淵世號象山先生者與熹

西示已曾甫

十八史畧卷七

南宋孝宗

父書曰。大抵子思以來。教人之法。惟以尊德性。道問學兩事為用力之要。今子靜所說。專是尊德性事。而熹平日死論。却是問學上多了。
朱又曰。聖賢教人有定本。如博學審問。謹思明辨。篤行是也。其人資質剛柔敏鈍。不可一槩論。其教則不易。禪家教更無定。今日說無定。陸子靜似之。

金主環立

爭論太極圖說。且謂學有悟入。譏熹後事。訓解意見頗立。
異云竄之云云。諱永州行。至信州而死。去上聲。下同。陪臣宋正留。姓正名。焯音淳。延平郡屬。福建。今南劍府。奏事上書。言事封事。實封上書。魏忠獻公。魏國忠獻公。爵。所為之為。去聲。○上久有與子之意。會光堯皇帝壽八十。二而崩。乃詔內禪。上奉德壽二十六年。孝養備至。既升遐。哀慕尤切。以不得日奉。几筵欲退。終喪制。移居重華宮。在位二十八年。金世宗雍。以是歲殂。其嗣允恭先卒。孫璟立。雍賢明仁恕。號為北方小堯舜。故金之太定三十年。與宋之隆興。乾道。淳熙。相終始。南北皆得休息。彼此無可乘之。釁上之齋志不克。大有為者。以此太子立。是為光宗皇帝。
德壽光堯宮名。養音漾。重平聲。二十八年。改元者。三。曰隆興。乾道。淳熙。璟音景。大定。金。淳宗。年。号。齋音齊。持也。

李后造誣

通鑑二年。冬十一月。帝有疾。不視朝。初。帝欲誅宦者。近習皆懼。遂離間三宮。帝疑之。不能自解。會帝得心疾。上皇購得良藥。欲因帝至。官授之。宦者遂訴于皇后。曰。太上合藥。一大丸。俟官車。過。即投藥。萬一有不虞。其奈宗社何。后心。即之。

光宗皇帝名惇。年四十四。自東宮受禪。尊太上皇帝。為至尊。壽皇聖帝。周必大罷。留正葛邲為左右。相改元。曰紹熙。皇后李氏。大將李道女也。悍而妬。欲亟立太子嘉王為儲。嗣。因內宴。請於壽皇。不許。后不遜。壽皇有怒語。后銜之。乃造誣罔。謂壽皇有廢之意。致上驚恐。得疑疾。及聞後官有暴死者。上震懼。疾愈甚。不復過重華宮。近兩載始一至。壽皇彌不憚。上亦不能視疾。壽皇居重華。踰五載。壽六十八。而崩。上不能執喪。下日忽仆於地。中外危懼。太皇太后立。嘉王。是為寧宗皇帝。寧音弼。載上聲。○光宗在位五年。

寧宗皇帝名擴。初封嘉王。孝宗崩。光宗疾病。知樞密院事。趙汝愚密建翼戴之議。知憲聖慈烈吳太皇太后以宗社。

朱熹 韓侂胄 趙汝愚 趙汝愚 趙汝愚 趙汝愚

為憂將白事而難其人。有知閣門事韓侂胄者，琦之曾孫而太皇女弟之子也。乃因以入白。太皇垂簾，引嘉王入即位。代執孝宗之喪。中外危疑者，乃定。光宗居壽康宮。後六年而崩。壽五十四。上之為嘉王也，黃裳為翊善，講說開導。光宗嘗宣喻曰：嘉王進學，皆卿之功。裳曰：若欲進德修業，追殿古先哲王，須尋天下第一人。乃可問為誰。以朱熹對。彭龜年繼為宮僚。因講每及熹說，上傾心已久。熹在光宗時，守漳州。後守潭州。為湖南安撫。至上登極，首被召除待制。兼侍講。熹未至，已聞近習用事。御筆指揮皆有漸深憂之。留正罷，汝愚為相。韓侂胄自負有字策功，希不次之賞。汝愚不肯驟除，遂怨。汝愚為政，方務引進善類，裁抑僥倖。

但遷侂胄防禦
侂胄大失望然
以傳導詔旨寢
見親幸時乘間
竊弄威福臨安
府徐誼告汝愚
曰侂胄異時必
為國患宜飽其
欲而遠之不聽

小人滋不悅，相與共排之。朱熹既至上疏，忤侂胄。在朝甫四十六日而罷。言者以為熹有宮祠之命，遠近相吊。天下大老去之，誰不欲去。若正人盡去，何以為國。汝愚袖還內批，且諫，且拜不聽。侂胄欲併逐汝愚，而難其名。或教之曰：彼宗姓，誣以謀危社稷，則一網盡矣。侂胄然之。汝愚在相位數月，罷連貶，竄服藥以死。侂胄用李沐、何澹、劉德秀、胡紘、沈繼相等為鷹犬，搏擊善類，無遺。彭龜年、劉先祖、章穎、葉適、徐誼、沈有開、吳獵、黃由、黃度、鄧駟、陳傅良、樓鑰、鄭湜、李祥、楊簡、呂祖儉、曾三聘、游仲鴻、項安世、孫元德、袁燮、陳武、汪達、范仲讎、黃灝、詹體仁等，貶逐不可勝紀。籍記黨人姓名，目曰偽學。以朱熹為首在籍者數十人。蔡元定坐熹

侂胄 韓侂胄 趙汝愚 趙汝愚 趙汝愚 趙汝愚

呂氏之呂當作吳

按六人楊宏中周端朝張衡林仲麟蔣傳徐範見綱目寧宗慶元元年

宋熹

累道州編管大學生楊宏中等六人亦坐上書救黨人編
 管留正以嘗引用黨人亦黜竄命端禮京鏗謝深甫相繼
 為相太皇太后紹熙初光宗上高宗后呂氏尊号曰憲聖慈烈太皇太后將音漿難如字下同閣音甘个聲侂
 音託太皇太后女弟妹曰女弟代執云云代光宗為孝宗承重翊善官掌輔贊善道官僚王官僚屬傾心向慕也
 漸御筆指揮漸近習上疏之上上書之上並上聲下同言者游仲鴻官祠之命奉祠祀于外之命內批上所批罷
 朱子之勅宗姓宗室同姓澹音淡絃音橫搏音博駟音日
 漫音植灝音浩勝音升累去聲六人姓名未詳○呂中曰
 父有天下傳歸於子此古今之常也後世以一人臣往往貪
 天之功以為己有非小人之尤者乎嘗聞哲廟之立本宜
 仁保佑之賜與諸大臣建請之功群儉矯誣乃以定策歸
 功蔡確而上諛宣仁下累王珪遂為元祐大臣不可解之
 禍其往轍可鑒矣我寧考纂承大統蓋慈福宮室計於內
 趙忠定諸臣效贊於外侂胄何人實緣戚里蒙蔽朝廷既
 攘奪其功掩為己有猶且附會言章竄之於必死之地亦
 獨何心哉然則確與侂胄其罪俱不可勝誅矣鏗音湯

○朱熹以慶元庚申卒時偽學黨禁雖嚴會葬者亦數千

宋鑑熹登第五十年仕于外者僅九考立朝總四十六日攻偽學日急士之繩趨尺步稍以儒自名者無所容其身從游之士特立不顧者屏伏壯壑依阿巽懦者更名他師過門不入而熹日與諸生講學不休或勸其謝遣生徒者笑而不答疾且革而坐整衣冠就枕而卒

侂胄權傾

侂胄生事

人呂祖泰上書論雪偽學乞誅侂胄及其黨蘇師旦周筠
 罷逐陳自強之徒召用周必大不然事將不測書出中外
 大駭杖一百不刺面配欽州必大亦坐謫降熹沒踰年黨
 禁稍解諸人或復官自便然消沮變化之餘風俗已大壞
 矣將音漿復音伏○謝深甫罷陳自強為相侂胄以太師平原郡
 王平章軍國事推傾人主威制上下服御擬於乘輿土木
 侈於禁苑諛者至稱為恩主聖相或作詩九章每章用一
 錫字侂胄亦不辭稔積罪惡至於生事開邊而極先是
 蒙古部興於北方在金世宗時已強盛稱帝至環立蒙古
 兵來輒長驅金始多事侂胄聞金有此釁謂中原可圖有
 吳曦者前蜀帥吳玠之子璘之孫也吳氏世職西陲威行

西蜀留其子孫於京蓋累朝遠慮職有異志久欲歸蜀而

不許侂胄遣歸數年蓋欲使西蜀出兵乘輿天子車駕乘

伐金詔告四方諸路進師曦首以關外四州獻金求封為

蜀主尋即稱帝賴李好義楊巨源與安丙密謀曦僭號踰

月而誅四州階成秦鳳○是歲元太祖即位於斡難河之源太祖

姓奇渥溫氏諱鐵木真蒙古部人也其先世為蒙古部長

至太祖之父曰也速該始併吞諸部落愈強大後追諡曰

烈祖神元皇帝初神元征塔塔兒部獲其部長鐵木真宣

懿后月倫適生太祖手握凝血如赤石神元異之因以所

獲鉄木真名之志武功也元年大會諸王群臣建九游白

宋伐

元太祖即位

金諸郡

南宋紀自兵興以來公私力大屈而侂胄以金人欲罪首謀乃復銳意出師中外憂懼然皆畏侂胄莫敢言者彌遠入對因力陳危迫之勢請誅侂胄以安邦皇后楊氏素怨侂胄亦使皇子榮王具疏言侂胄再啓兵端將不利於社稷帝不許后從旁力贊之帝始允可乃命后兄楊次山與彌遠共

旗即位群臣共上尊號曰成吉思皇帝時金章宗泰和六年也長上○丁卯開禧三年元太祖時北伐諸軍所向無

不潰敗而退金人大譟兵連陷蜀漢荆襄兩淮諸郡東南

大震亟遣使通謝於金而侂胄弄兵之意猶未已中外患

之遂有誅兇之議皇后楊氏知書史通古今當時侍郎史

彌遠建密策而旨從中出者皆后實為之丁日侂胄入朝

彌遠使殿帥夏震以兵邀之塗擁出玉津園推殺之○先

是元太祖征西夏拔力吉里塞而還至是秋再征之○戊

辰嘉定元年元太祖陳自強竄死蘇師且處斬周筠決配

侂胄函首謝金和議復成錢象祖為相史彌遠累遷與象

祖並相象祖罷彌遠獨相慶音杵決配杖決後配○宋鑿義曰庶人之讐釋記禮者猶可

補

金章宗

補

按春秋莊公四年紀侯大去其國公羊傳曰大去者何滅也孰滅之齊滅之曷為不言齊滅之為襄公諱也春秋為賢者諱云云九世猶可以復讐乎雖百世可也

堡博考切廣韻堡障小城也宋周密齊東野語曰當是時金虜實已衰弱初非阿骨打吳乞買之比丙寅之冬淮襄皆受兵

金主

凡城守者皆不能下次年遂不復能出師其弱可知矣儻能稍自堅忍不患不和且禮秩歲幣皆可以殺而當路者畏懦惟恐稍失其意乃聽其恐喝一切從之且吾自誅權茲耳而函首以遺之是虜之縣鄙也何國之為借哉云云有題詩於侍從宅曰自古和戎有大權未聞函首可安邊生靈肝腦空塗地祖父冤讐共戴天晁錯

金主

盡五世則有天下者乎齊襄復九世之讐言春秋大夫之我宋之於金不共戴天之讐也侂冑無謀浪戰固可罪矣然乃至於函首乞和何也當時太學諸生詩曰鼂錯既誅終叛漢於期已入竟凶燕此但以利害言耳未嘗以名義言也○呂中曰和戎國家之不得已也然必有折其氣而後可以要其成真宗鑾輿親征達覽授首是以有紹興之和嘉定之和彼欲得權幸之首則與之彼欲增歲幣之數則與之屈已而料犬羊巧詐寧無易我之心乎累上聲○

金章宗璟在位二十年而殂無子立世宗之別子允濟於環為叔○己巳嘉定二年元太祖春元太祖入河西屢破西夏兵夏王李安全納女請和○庚午嘉定三年元太祖金謀討元築烏沙堡太祖遣將襲殺其衆遂略地而東初太祖貢歲幣于金金主使衛王允濟受貢于靜州太祖見允濟不為禮允濟怒歸欲請兵攻之會金主璟殂允濟嗣位有詔至國傳言當拜太祖問金使曰新君為誰曰衛王

也太祖遽南唾曰我謂中原皇帝是天上人做此等亦為之耶何以拜為即策馬去金使還言允濟益怒欲俟太祖再入貢而害之太祖知之遂與金絕○辛未嘉定

四年春元太祖元太祖南侵敗金兵襲群牧監驅其馬而還自是連歲攻取金州郡○癸酉嘉定六年元太祖

衛紹王允濟在位五年無歲不受兵終不能支且失將士心為大將所弒追廢為東海郡侯立曹王珣璟之兄也是

為宣宗太祖分兵三道並進取燕南山東河北五十餘郡

○甲戌嘉定七年元太祖元太祖駐蹕燕北金主以岐國公主及童男女五百馬三千兼金帛以獻乞和雖見許度不能自立於燕五月遷于汴留丞相完顏福興輔太

南水經宗

宋以黃義人

已誅終叛漢於
期未遣尚存燕
廟堂自謂萬全
策却恐防胡未
必然以知楚州
宋鑑以節制京
東忠義軍純之
見李全軍屢捷
密聞于朝謂中
原可復東彌遠
鑒韓侂胄之事
不朋招納容教
江淮制置使李
玘及純之撫接
之号忠義軍就
聽純之節制

子守忠居燕太祖遣兵圍之守忠走汴後一年而燕京陷
元兵自河東渡河而南距汴二十里而去金人自是地勢
益盛山東叛之東阻河西阻潼關而已欲窺宋川蜀淮漢
以自廣遂敗盟來侵宋以黃榜募忠義人進討京東路忠
義李全以歲戊寅率眾來歸全本漣水縣弓手在開禧乙
丑間已嘗應募焚其縣矣漣水縣屬安東州○丁丑嘉定十年元
祖十年元以木華黎為太師封國王率諸軍南征克大名府
定益都淄萊等州木華黎亂刺兒氏居阿難水東為人勇
毅多智畧猿臂善射挽弓二石強與博
尔木博尔忽赤老温事太祖俱以忠勇稱擢甲班申律
猶華言四傑也其征戰功多封魯國王謚忠義子守魯嗣
○戊寅嘉定十一年元木華黎自西京入河東克
太原平陽及忻代澤潞等州是歲伐西夏圍其王城夏主

初置達魯花赤

達魯花赤者蓋
胡語也草木子
曰元路州縣各
立長官曰達魯
花赤掌印信以
總一府一縣之
事

李遵頊走西京○高麗王暎降于元請歲貢方物○己卯
嘉定十二年元太祖十四年西域殺元使者太祖親征○庚辰嘉
定十三年元太祖十五年元木華黎徇地至真定又徇河北諸郡
○壬午嘉定十五年元太祖十七年元太子拖雷克西域諸城遂
與太祖會秋金主復遣使請和太祖時在回鶻國謂之曰
我向令汝主授我河朔地令汝主為河南王彼此罷兵汝
主不從今木華黎已盡取之乃始來請耶遂不許使去聲○
癸未嘉定十六年元太祖十八年春三月元太師魯國王木華黎
卒○五月元初置達魯花赤監治郡縣○金章宗珣在位
十二年而殂子守緒立是為哀宗○甲申嘉定十七年元
祖十年元太祖至東印度駐鐵門關有一獸鹿形馬尾綠色

拖湯何及音他

示已首甫一八八八八一南宋學宗

治判罪則用正

官在府則總管

在縣則縣尹達

魯花赤猶率言

荷包上壓口捺

于也

宋書符瑞志角

端者日行萬八

千里又曉四裔

之語

而一角能作人言謂侍衛者曰汝主宜早還太祖以問耶

律楚材曰此獸名角端能言四方語好生而惡殺此天降

符以告陛下願承天心宥此數國人命太祖即日班師去

○自歲丁丑以後宋與金戰雖迭有勝敗然三邊無歲

不被其擾上在位三十年改元者四謙恭仁儉終始如一

然慶元嘉泰開禧凡十三年則侂冑之政嘉定十七年則

彌遠之政壽五十七而崩彌遠定策立嗣是為理宗皇帝

三邊東
北西

理宗皇帝初名與昔宗室追封榮王謚文恭希璫之子太

宗十世孫也寧宗子多而不育鞠宗室子名詢立為太子

慶初皇從弟沂靖惠王柄無子嘗以宗室子賜名貴和為

之後及失太子詢遂立貴和為皇子賜名竑封濟國公竑

慧而輕嘗疾史彌遠專權謂異日不可容彌遠聞而惡之

故陰為之計與昔幼不好弄群兒聚嬉輒獨登高坐不動

長上見者指以語群兒曰汝曹不效此人恰一大王相似

群兒每羅拜其下遂有趙大王之號彌遠物色得之嘗取

應得舉矣特旨補官竑既為寧宗子遂以與昔為沂王後

賜名貴誠除邵州防禦使寧宗大漸乃白中宮以貴誠為

皇子改名昀宣遺詔即位進竑濟陽郡王出判寧國府恭

聖仁烈楊后同聽政事定然後撤簾宗室是時理宗父己

文恭生名希璫從去聲柄音丙沂國清惠謚柄名為之後

繼之也竑音橫濟上聲好去聲長音張上聲語去聲邵州

屬湖南今寶慶府中宮楊后昀音 ○乙酉寶慶元年元太

○璫音盧

西宗已曾有一人... 南宋理宗 寶慶元年

十時外議籍籍有謀作亂之迹者事不克皆死李全在楚

州與制置許國相失殺國亦以問罪為辭舉兵南向圍揚

州籍籍多也制置制置使許國姓名○丙戌寶慶二年元太祖二十一年

元太祖伐西夏取甘肅等州遂踰沙陀至黃河九渡○丁

亥寶慶三年元太祖二十二年元滅夏以夏主李睨歸○七月元太

祖殂于六盤山臨殂謂左右曰金精兵在潼關南據連山

北限太河難以遽破莫若假道于宋宋金世讐必能許我

則下兵唐鄧直擣汴京汴急必徵兵潼關然以數萬之衆

千里赴援人馬疲弊雖至弗能戰破之必矣言訖而殂在

位二十二年壽六十六葬起輦谷至元二年冬追謚曰聖

武皇帝廟號太祖太祖深沉有大略用兵如神故能滅國

元太祖

元太祖
神如用太

元太祖

綱目紹定元年戊子春三月金將完顏陳和尚大敗蒙古兵于大昌原陳和尚為完顏合達前鋒以四百騎大敗蒙古八千之衆士氣皆倍蓋自有蒙古之難二十年間始有此捷奏功第一名震國中其御衆也有方所過州邑秋毫無犯每戰則先登陷陳諸軍倚以為重又四年四月敗蒙古將速不臺于倒回谷

四十其助績甚衆史之紀載不備惜哉○太祖既殂時皇

子窩闊台留霍博之地國事無所屬皇子拖雷監國以俟

皇太子至而立之越二年皇太子始立是為太宗屬音祝○

己丑紹定二年元太宗元年元太宗名窩闊台太祖第三子母

曰光獻皇后弘吉刺氏是歲夏奔喪至忽魯班雪不只之

地皇弟拖雷來見大會諸王百官以太祖遺詔即位始立

朝儀皇族尊屬皆就班見音現○元始置倉廩立驛傳

命○庚寅紹定三年元太宗二年元遣兵取京兆七月太宗自

將伐金皇弟拖雷姪蒙哥帥師從○辛卯紹定四年元太宗三年

春趙范趙葵大敗李全于揚州城下時屬上元張燈全

置酒高會于平山堂城中謀知夜遣兵出其不意劫之全

元始

走陷于濠為亂槍所斃其餘奔走北去○二月元太宗克鳳翔攻洛陽河中諸城下之五月元遣使來假道宋殺之

使奉 ○八月元始立中書省改從官名以耶律楚材為中

書令耶律楚材字晉卿遼東丹王突欲八世孫金尚書右丞履之子也太祖有天下之志嘗訪遼宗室召楚材

材謂之曰盍金世讐吾為汝報之矣楚材對曰臣祖父以來嘗北面事之既為臣子豈敢復懷二心乎雙君父乎太祖

重其言命處左右以備訪問楚材博究群書天文地理律歷術數釋老鑿卜無不知者夏人常入斥者以善造弓見

知於太祖因曰國家方用武耶律儒者何用楚材曰治弓尚須用弓匠為天下者豈可不用治天下耶太祖聞之

甚喜日見親用嘗與西域人占月蝕西域人曰某夜月當蝕楚材曰不蝕至其夜果不蝕楚材嘗言某夜月當蝕

域人曰不蝕至其夜果然食太祖以楚材語太粘合重山宗曰此人天賜我家爾後軍國庶政當悉委之

為左丞相粘合重山金源貴族也太宗以為左丞相凡建官立法多出耶律楚材而粘合重山佐成之議

魏國公益忠武鎮海為右丞相○十二月元太宗取河中

十四年

元太

金共

按綱目紹定五年春正月金完顏合達移刺蒲

阿引軍接汴及

蒙古拖雷戰于

三峰大敗合達

乃與陳和尚等

走入鈞州蒙古

兵攻之城破合

達夾陳和尚趨

避隱處殺畧稍

名且曰我成龍

軍中人將謂我

負國家今日明

太弟拖雷發騎六萬分兵自西和州入興元由金房道襄

陽至唐鄧與金人鏖戰於陽翟潼藍之戍亦潰西兵畢至

合圍於汴慶高及○壬辰紹定五年元太宗甲年元太宗由

白坡渡河次鄭州攻鈞州克之遂取商魏嵩汝等十四年

使速不臺圍金汴京金主遣其弟訛可入質太宗還留速

不臺守河南八月金兵救汴諸軍與戰敗之九月太弟拖

雷卒于師金主守緒突圍出之歸德府○元再使王楸來

議夾攻伐金京湖制置使史嵩之以聞朝臣皆以為可遂

復讎之舉獨趙范不喜曰宣和海上之盟厥初甚堅迄以

取禍不可不鑑帝不從詔嵩之報使許之嵩之乃遣鄒伸

之報謝且議夾攻汴京元人許俟成功以河南地歸宋音

金立元 汴降以

金正

接○癸巳紹定六年元太宗五年金主奔歸德糧絕乃趨蔡州其將崔立以汴京降元四月元速不臺進至青城崔立以金太后王氏皇后徒卑氏荆王從恪等至軍速不臺遣送北還○元以孔子五十世孫元楷襲封衍聖公整修孔子廟及渾天儀○宋丞相史彌遠卒鄭清之為相史嵩之為京湖制帥在襄陽南北有夾攻蔡州之約嵩之遣孟珙以兵四萬人先至圍其東南元兵圍其西北相去○甲午端平元年元太宗六年正月金主守緒傳位於宗室子承麟宋孟珙入蔡州元師役之守緒自經死函其首送于宋獲承麟殺之金自完顏昷稱帝至是九世一百一十七年而亡○夏四月獻金俘于太廟會淮帥趙范趙葵乘金人之亾為

趙范 趙葵 興師 開黨

恢復計朝臣多以為未可獨鄭清之力主其說帝乃命范移司黃州刻日進兵范參議官廿岳曰方興之敵新盟而退氣盛鋒銳寧肯捐所得以與人耶我師若往彼必突至非惟進退失據開釁致兵必自此始且千里長驅以爭空城得之當動饋餉後必悔之范不聽史嵩之亦言荆襄方爾饑饉未可興師杜杲復陳出師之害范葵故荆湖制帥趙方之子習於兵銳意攻取募山東忠義皆響應伸之未回而宋師出矣伸之等幾被羈留於燕詭辭得與檝俱來檝曰何為而敗盟也自是淮漢之間無寧日矣不數日汴人以城附宋宋師入汴即趨洛元兵戍洛者無幾姑避去宋師入洛不數日糧絕聞元生兵且大至潰而歸各嵩之

元立編脩

元始賦

字彙曰哨七肖切。蓋去聲與款同。吹笛以示警也。今屯戍之所防盜之處名曰哨。亦此意也。

主和不肯運糧致誤事。○乙未。端平二年。元太宗十年春。元城和林作萬安宮。遣諸王拔都太子貴由。姪蒙哥。征西域。太子闊端侵蜀。漢太子曲出及胡士虎侵宋。唐吉征高麗。○丙申。端平三年。元太宗十一年元印造交鈔行之。六月。耶律楚材請於燕京立編脩所。於平陽立經籍所。編集經史。召儒生梁陟充長官。以王萬慶趙著副之。秋。闊端取宋關外數州。十月。入成都。取秦鞏等四十餘州。○時和議既不復。諸蜀遂破。陷荆襄。淮甸無歲不受攻。哨。○元以耶律楚材言始定天下賦稅。上田每畝稅三升。中田二升半。下田二升。水田一畝五升。商稅三十分之一。五戶出絲一斤。以給諸王功臣湯沐之賜。益每銀一兩四十斤。永為定額。朝臣皆謂

通鑑

杜杲

太輕。耶律楚材曰。將來必有以利進者。則已為重矣。○丁酉。嘉熙元年。詔經筵進講。朱熹通鑑綱目。○八月。元試諸路儒士。中選者除本貫議事官。得四千三百人。元兵略地至黃州。宋孟珙敗之。中奉○戊戌。嘉熙二年。元太宗十年先是。杜杲却元人安豐之兵。復破察罕八十萬兵於廬州。後解儀真之圍。以功權刑部尚書。復進敷文閣學士。○呂文德總統兩淮。出戰軍馬。進淮西。招撫使文德安豐人。魁梧勇悍。微時鬻薪城中。趙帥葵道傍見遺履。長尺有咫。驚訝訪求得之。留之麾下。後以邊功至顯官。使去聲。鬻音育。賣也。咫音止。个寸也。○元塔思軍至北峽關。宋將汪統制降。先是。曲出率張柔等攻郢州。拔之。至是。宋孟珙復取襄陽。○元領中書行省楊

元建
子書院

始河
道知

楊言增補

惟中建太極書院于燕京。延趙復為師。時濂溪周子之學未至於河朔。惟中用師于蜀。湖京漢得名士數十人。始知其道之粹。乃收集伊洛諸書。載送燕京。及師還。遂建太極書院。及周子祠。以二程張楊游朱。六子配食。由是河朔始知道學。

楊惟中弘州人。年二十奉太宗命使西域三十餘國。宣國威。布政條。俾皆籍戶。以屬。使及歸。惟中為憲宗。世世祖為本第。鎮金蓮川。立河南道。經畧同於汴梁。奏惟中等為使。俾屯田。唐鄧毫穎諸州。金初滅。以劉福為河南道總管。福貪鄙殘酷。虐害遺民。二十餘年。惟中至。召之聽約。約束福不至。復使語之曰。汝不至。吾以軍法從事。福不得已。盛從衛。以見惟中。握大槌擊仆之。數日。福死。河南大治。遷川陝宣撫使。有郭千戶者。殺人之夫。而取其妻。惟中戮之。以徇。關中肅然。趙復字仁甫。德安人。太宗時。太子中出。侵宋。俾德安之民。姚樞奉詔。即軍中求儒。與復在俾民中。樞與語。大奇之。復以親族俱殘。不欲北行。因與樞訣。樞恐其自死。留與共宿。夜忽失。復樞遷馳。呼之。見復。將投水。樞挽回。挾之。北歸。復乃錄其所記。程朱之書。以教。學。者。乃北士能通周程張朱之學。皆因復而得。然復竟不仕。

詔封

票已曾補

南宋理宗淳祐元年

四十一

學者稱之曰。○康子嘉熙四年。元太宗。春。元太子貴由克西域。未下。諸部元救。州郡失盜。不獲。以官物償之。國初多盜。下令。凡失盜。去虜。令本路民戶代償。民苦之多。亡命至是。罷徵。又官民貸。回鶻金銀。償之者。歲加倍。謂之羊羔利。往往破家。至以妻子為質。終不能償。耶律楚材請悉以官物代還。凡七萬六千錠。仍令凡假貸歲久。惟子本相侔。而止。著為令。

也。又音代。後人來物。○辛丑淳祐元年。元太宗。宋詔追封周敦頤。汝南伯。張載。郿伯。程顥。河南伯。程頤。伊陽伯。朱熹。徽國公。並從祀孔子廟庭。黜王安石。從祀帝。謁孔子。遂臨太學。○十一月。元太宗出獵。殂于鉞鐵。鑄胡蘭。年五十六。葬起輦谷。後追謚曰英文皇帝。廟號太宗。太宗自

元大 宗后 制

耶律 焚材 平

宋鑑時乃馬真氏稱制與都刺合蠻專政焚材憤悵成疾而卒

神宗本紀卷七

寬弘之量仁恕之心量時度物舉無過事華夏殷富庶民

樂業行旅不齎糴時稱治平元自太宗殂後皇后乃馬真

氏臨朝稱制凡五年不立君鉅鐵鉅胡蘭北方地名也○

甲辰淳祐四年先是鄭清之罷相喬行簡李宗勉等繼為

政無所決斷上思史嵩之之言自督府入為相雖欲議和

輒為衆論所沮嵩之丁父彌遠憂聞訃數日乃行詔起復

為相言者目為權姦力攻之遂不復相范鍾游侶鄭清之

謝方叔吳潛董槐程元鳳丁大全等相繼為相每歲以防

秋為常事沮上聲○元中書令耶律焚材卒后嘗以儲嗣

事問焚材對曰此非外臣所敢知自有太宗遺詔在守而

行之社稷之幸也后嘗以御寶空紙付幸臣與都刺合蠻

令自書填行之焚材奏曰天下者先帝之天下朝廷自有

憲章今欲紊之臣不敢奉詔事遂止復有旨凡與都刺合

蠻所奏准令史不為之書者斷其手焚材曰軍國之事先

帝悉委老臣令史何與焉事若合理自當奉行如不可行

死且不避况斷手乎后以其先朝勳舊曲加敬憚焉焚材

天資英邁復出入表雖案牘滿前酬答不失其宜正色立

朝不為勢屈欲以身徇天下每陳國家利病生民休戚辭

色懇切太宗嘗曰汝又欲為百姓哭耶焚材每言興一利

不若除一害生一事不若減一事平居不妄言笑及接士

人温恭之容溢于外莫不感其德焉耶律焚材於太宗即位之初為定儀制位

親王察合合曰王雖兄位則臣也禮當拜王拜則莫敢不拜矣即位之日王率皇族及臣僚拜帳下元朝尊屬有拜

與一 如除 一等

親上疑脫謂字

西宗已自南

南宋理宗

四十一

宋元通鑑云貴
由即位于江吉
滅亮里之地

禮自是始焚材條便宜十八事言郡宜置長史牧民萬戶
統軍使勢均力事以遏驕橫凡政令便於民者甚衆太宗
悉從之惟罷獻一事不允曰彼自願饋獻者宜聽之焚材
曰蠹害之端必由於此太宗曰凡卿所奏無不從者卿不
能從朕一事耶汴梁將下大將言金人抗拒久師多死傷
城下請屠屠之焚材馳入奏曰得地無民將焉用之太宗猶
豫未決焚材又曰奇巧之工厚藏之民皆慕於此若盡殺
將無所獲太宗然之遂詔罪止完顏氏餘勿問時太宗議
裂地賜親王功臣焚材曰裂土分民易生嫌隙不如多與
以金帛太宗曰已許奈何焚材曰若朝廷直吏收其貢賦
歲終願之使無擅利徵可也從之及卒太宗後有證之者
言其在相位久天下真賦半入其家皇后命近臣覆之唯
琴阮十餘及古今書畫金帛遺文數千卷後封廣寧王謚
文正子鉉錢系音問亂之也與音預邁音賣夏厘正及
遠也 ○元便宜總帥汪世顯卒世顯善兵能將重儒愛民勤
儉自持有古名將之風 ○丙午淳祐六年元定宗
元定宗
即位于速茂禿都定宗名貴由太宗長子也母曰六皇后
乃馬真氏初太宗有吉以皇孫失烈門為嗣及歿后臨朝

元憲宗立

余玠取元

稱制者五年乃議立定宗 ○戊申淳祐八年元定宗
元定宗
宗尸位三年而殂壽四十三葬起輦谷追謚簡平皇帝 ○
元自馬真氏臨朝以來法制不一內外離心定宗既歿皇
后海迷失抱子失烈門垂簾聽政諸王大臣不服共議立
太弟蒙哥後二年是為憲宗即位 ○辛亥淳祐十一年元
元
年 元憲宗名蒙哥太祖第四子拖雷之長子先是諸大
臣欲奉屈出之子失烈門久而不決至是兀良哈歹以太
祖諸孫惟憲宗謙慎宜立遂大會于闊帖兀阿蘭之地而
即位焉失烈門不服憲宗因察諸王有異同者並羈縻之
取主謀者誅夷之由是始定 ○長十 ○余玠大敗元人于興
元 ○元憲宗命太弟忽必烈總治蒙古漢地民戶事開府

元史澤聖經使
趙天為

于金蓮川先是姚樞隱居蕪門以道自任太弟召之樞至見太弟聰明才不世出虛已受言將大有為乃盡其平日所學為書數千言上之首以二帝三王為學之本為治之序與治國平天下之大經彙為八目曰脩身力學尊賢親親畏天愛民好善遠佞次及時政之弊為條三十本末兼該細大不遺太弟太奇其才動必見詢遠去聲姚樞字公茂柳城人後遷洛陽自少攻學及得程朱之書益知自勵世祖為蕃王召置之王府敷陳時務必以帝王之道為言世祖征大理樞從行因中途夜宴樞言宋太祖命曹彬取南唐不殺一人市不易肆明日世祖據鞍呼曰汝昨言曹彬不殺一人吾能為之樞馬上賀曰聖人之心仁明若此生民之幸有國之福也至大理城命樞裂帛為旗畫牛殺之令民賴以安樞之力○元以史天澤趙璧為河南經略使使去聲史天澤尺音如洪鐘勇力善射兄天倪為真定帥而死天澤繼其職太宗以天澤為真定河間大名東平濟南五路萬戶攻

補周坤為義成節度使辟韋澳為判官及為相謂澳曰何以相助澳曰願相公無權擇愕然澳曰官賞刑罰與天下共其可否

汴梁歸德蔡州多戰功世祖即位召問治道具疏以對言立省部以正紀綱設監司以督諸郡濡恩澤以安反側退貪殘以任賢能頒俸祿以養廉禁賄賂以防奸二年拜中書右丞相所言皆次第行之三年李壇叛據濟南遣親王哈必赤討之繼命天澤往聞壇入濟南突曰豕突入豕無能為也言於王曰兵不宜力角竟以歲月斃之乃深溝高壘絕其奔軼歷四月城中食盡潰降生擒壇斬之或謂壇之寢由諸侯權重天澤遂奏請自臣家始於是史氏子弟解兵符者十七人至元十一年詔天澤與伯顏總大軍侵宋天澤至郢以疾還襄陽帝勅尚醫能視天澤附奏曰臣大限有終死不足惜願天兵渡江慎勿殺掠語不及他以澤平居未嘗自矜其能及臨大節論大事毅然以天下之事自任年至四十一始折節讀書尤熟資洽通鑿立論出人意料之外願相公無權爵祿刑賞天子之柄何以權為言者

淳祐十二年元憲宗元定宗后及失烈門母以厭禳事覺並賜死謫朱烈門及其黨於沒脫赤之地○六月元憲宗

勿以己之愛憎
喜怒移之天下
自理何權之有
擇深然之見網
目唐宣宗大中
一年

卒

余誣
惟奏

以中州漢地封同姓太弟於汴京關中自擇其一姚姬曰
南京河從無常土薄水淺瀉鹵生之不若關中厥田上上
古名天府陸海太弟遂請關中由是太弟有關中河南之
地瀉鹵音昔 ○癸丑寶祐元年元憲宗三年四川制置使余玠
卒以余晦為四川宣諭使 ○元太弟忽必烈平大理國 ○
甲寅寶祐二年元憲宗四年時余晦宣撫四川以私恨誣奏利
路安撫王惟忠潛通北境大理陳大方承旨鍛成之惟忠
將斬於市色不變謂大方曰吾死誑於天既斬血逆流而
上未幾大方不朝恍惚與惟忠還遂卒先是朝廷用彭大
雅理蜀甚有威名重築重慶城余玠遷蜀郡平曠之地分
治險要如合州治釣魚山之類在蜀二十年民藉以安至

胡頴
毀淫祠

元建
平都開

余晦貪繆因功敗失要地以和州守劉雄飛為四川制置

利路利路乃今順元州之廣元府鍛成大理卿陳大方承
順余晦旨意鍛鍊以成其獄將音漿上上聲幾如字重平
聲下同重慶府屬川南即恭州治平聲 胡頴每見淫祠即

毀之人謂之胡打鬼經畧廣東廣有僧寺佛像中有巨蛇
時出享人祭祀僧托之題疏得數千緡頴至毀佛擊蛇其

怪遂息淫祠不載祀典曰淫祠
經畧為廣東經畧使 ○丙辰寶祐四年元憲宗六年

高麗王細嗟甫雲南酋長摩合羅嗟及素州諸國朝于元
○元憲宗欲建城市為都會之所太弟忽必烈言劉秉忠

精於天文地理之術乃命相宅秉忠以桓州東濼水北之
龍岡為吉乃命秉忠營之名曰開平府三年而畢相去
聲濼
○丁巳寶祐五年元憲宗七年元回鶻獻水精盆珍珠傘可

直銀三萬餘錠。憲宗曰：方今百姓疲弊，所急者錢耳。朕獨

有此何用却之？○十月，元兀良哈歹伐安南，屠其城。○戊

午，寶祐六年。元憲宗八年二月，安南王傳國於長子光昺。遣使

以方物獻于元。使去聲○元討回回哈里發平之。九月，憲

宗親帥大軍入蜀，攻苦竹隘。宋守將揚立、張實死之。是時

元人勢欲順流東下，一軍自大理國幹服南來，歷邕、桂之

境，以至潭州。一軍渡江圍鄂州。○罷丁大全，以吳潛為左

相，即軍中拜賈似道為右相。趙葵、樞密策應使杜庶、兩淮

制置夏貴、總領舟師呂文德等乘風戰勝，潛以向士壁守

潭，適南來二哥元帥遇宋候騎而死。潭圍先鮮、高達等守

鄂，似道駐漢陽為鄂援。○己未，開慶元年。元憲宗九年元憲宗

元憲宗 釣魚山

賈似道 議和 幣

○易音亦

圍合州，遣使招諭守將王堅。堅殺使者，固守拒之。○七月

元憲宗殂於釣魚山。在位九年，壽五十二。後追謚曰桓肅

皇帝。憲宗剛明雄毅，沈斷寡言，不樂宴飲，不好侈靡。雖后

妃亦不過制。太宗末年，群臣擅權，政出多門。至憲宗，凡詔

旨必親起草，更易數四然後行之。御群臣甚嚴，嘗諭曰：汝

輩若得朕獎諭，即志氣驕逸，災禍未有不隨至者。汝輩其

戒之時，太弟進攻鄂州，宋守將張堅守不下，遂死之。樂音

去聲更音○似道自漢陽至鄂督師，而太弟忽必烈攻城

益急，城中死傷者至萬三千人。似道大懼，密遣宋京詣元

營，請稱臣納幣。太弟不許。會合州守王堅遣人走鄂，以憲

宗計聞于似道，似道再遣宋京往元營。太弟亦聞阿卑不

郝音盛

元世祖即位

哥欲襲尊號郝經曰若彼果稱遣詔便正位號下詔中原
 行赦江上欲歸得乎願大王以社稷為念班師議和置輜
 重率輕騎而歸直造天都遣二軍逆大行靈泉收皇帝玺
 遣使召旭烈阿里不哥諸王會喪和林差官諸路安輯命
 王長子真金鎮守燕都示以形勢則大寶有歸而社稷安
 矣太弟然之乃許似道和且約歲幣之數遂拔寨而去留
 張傑閻旺以偏師候湖南兀良哈歹之兵造去聲[音]○
 庚申景定元年元世祖皇帝中統元年元世祖名忽必烈憲宗同母
 弟也憲宗既歿阿藍答兒渾都海等謀立世祖弟阿里不
 哥憲宗后聞之遣使馳至鄂請速還春三月至開平諸王
 大臣同勸進三讓乃即位○元兀良哈歹會張傑于鄂州

賈似道議和稱臣納幣之事

元郝經來尋盟

帥師北還宋賈似道命夏貴敗其後軍于新生磯遂匿其
 議和稱臣納幣之事上表言鄂圍始解江面肅清宗社危
 而復安實萬世無疆之休帝以似道有再造功下詔褒美
 賞資甚厚音○元阿里不哥僭號于和林城曲○五月
 十九日元建元中統○進中統交鈔○元世祖自將討阿
 里不哥○元廉希憲大敗西軍于姑臧斬阿藍答兒及渾
 都海○元以梵僧八合思八為國師○元遣郝經來尋盟
 且徵前日請和之議賈似道既還朝使其客廖營中撰福
 華編稱頌鄂功朝廷不知其求和也朝音○元世祖既立
 廉希憲請遣使以息兵講好命軍北歸俾恩威並著世祖
 善之而未得其人王文統素忌郝經才德乃遣經行或謂

賈似道 留真州 于軍營

犴與紆同獄也

經曰盍以疾辭經曰自南北構難江淮遺黎弱者被俘畧壯者死原野兵連禍結斯亦久矣聖上一視同仁務通兩國之好雖以微軀蹈不測之淵苟能弭兵靖亂活百萬生靈於鋒鏑之下吾學為有用矣遂行王文統陰諷李壇侵宋以沮撓之欲假手以害經經踰淮賈似道懼姦謀呈露遂以李壇為辭拘留經于真州之忠勇軍營驛吏防守嚴於獄犴介佐或不能堪經語之曰將命至此死生進退聽其在彼守節不屈盡其在我豈能不忠不義以辱中州士大夫乎但公等不幸須忍死以待揆之天時人事宋祚殆不遠矣衆感其言皆自振勵

犴音的 沮上聲撓音開平聲 音岸語去聲 郝經字仲常

其先潞州人後徙順天世祖即位以經為翰林侍讀學士使宋告即位賈似道以為有却敵功諱言納歲幣為謀泄

賈似道 害閭

按謝枋得嚮者以趙葵檄給錢粟於其軍兼募民兵援趙軍今似道責趙葵徵償葵不能償故枋得曰不可以累趙宜撫也因自償萬緡且上書以請免徵餘者也

乃領經于真州經上書于宋帝及其大臣且請入見皆不報驛吏棘垣鑰戶從人怒而闕死者數人居七年後經別館與從者六人又居九年伯顏南侵宋懼以禮送經歸似道之謀泄亦竄死經歸世祖錫宴木庭自副使劉仁傑以下賞賚有差秋七月卒年五十三為人尚氣節為學思致及被留撰續漢書易春秋外傳文集數百卷其文豐蔚豪宕善議論詩多奇崛拘宋十六年從者亦皆通於學書佐苟宗道後官至國子祭酒經子來麟官至廉訪使帝聞有北使謂宰執曰北朝使來事躋當議似道奏和出彼謀豈容一切輕徇倘以交鄰國之道來當令入見賈似道忌害閭臣兵退行打算費用法欲以此汚之向士璧趙葵史岩之杜庶等皆坐侵盜掩匿罷官徵償而士璧所償尤多竟安置而死復拘其妻妾而徵之猶不能足信州謝枋得以趙葵檄給錢粟募民兵守禦枋得曰不可以累趙宜撫也自償萬緡餘不能辦乃上書似道有云千金而募從

二卯棄干城十
金彼亦見首卷

劉整
元

初董宋臣請遷
都何子舉與吳
潛朱貌孫言其
不可不果行又
劉整計致斷元
人所作新生磯
浮橋
向士壁守潭見
寶祐八年

李壇
宋歸

木將取信於市人二卯而棄干城豈可聞於隣國遂得免
徵餘者使音現○呂文德制置荊湖知鄂州○辛酉景定
二年元世宗中瀘州守劉整叛降于元先是止遷蹕之議
者吳潛盡守城之力者向士壁奏斷橋之功者曹世雄劉
整既而似道妬功譖士壁世雄皆貶死整已懼禍而蜀帥
鄭興復以宿憾遣吏至瀘打筭軍前錢糧適北軍壓境遂
叛去瀘州屬川南止遷○元命軍中所俘儒士聽贖為民
七月元初立翰林國史院○立諸路提舉學校官○元諸
將敗西軍阿里不哥北遁○元封皇子真金為燕王領中
書省事○壬戌景定三年元世祖中呂文德復瀘州○元
江淮大都督李壇以京東漣海來歸詔封壇為齊郡王復

元立
太子
姚樞
言

其父全官爵○元宰臣王文統坐與壇通謀伏誅○元史
天澤圍李壇于濟南壇復降于元元人誅之○元以董文
炳為山東路經畧使使音○元立十路宣慰司立諸路轉
運司○癸亥景定四年元世祖中二月元以王德素為使
劉公諒為副致書來詰其誓留郝經之故○三月元初建
太廟五月初立樞密院以太子燕王真金守中書令兼判
樞密院事以開平府為上都元以姚樞為中書左丞樞曰
陛下於基業為守成於治道為創始正宜睦親族以固本
建儲副以重祚定大臣以當國開經筵以格心修邊備以
防虞蓄糧餉以待歛立學校以育才勸農桑以厚生世祖
納之○呂文德復瀘州文德號黑灰團劉整獻言於元曰

元人置權場于義城

彗星

元定燕都于

史記天官書彗者天之旗類彗而後曲象旗見則王者征伐四方又云辰星出入常以辰戌丑未其蚤為月蝕晚為彗星及天矢張晏注曰彗所以除舊布新

南人惟恃黑灰圍然可以利誘乃遣使獻三帶於文德求

置權場於襄城外文德許之使曰南人無信願築土城以

護貨物文德不許使者復至文德請於朝許之開權場於

樊城外築土墻於鹿門山外通互市內築堡文德弟呂文

煥知被欺兩申制置為吏所匿元人又於白鶴城築第二

堡文煥再申方達文德大驚曰誤朝廷者我也即請自赴

援會病卒復瀘之復音伏權場交易之所權音角襄城外

文德時為荆湖襄陽城外互市往來交易築堡堡障小城制置

制置使為去聲 ○甲子景定五年元世祖至元元年七月彗星長

十數丈芒角燭天自四更後東見日高方斂月餘乃不見

楊棟因指言彗尤旗因此遭論去國見之見音現不見之

忠請之都于燕世祖從之 ○元改元至元時阿里不哥兵

屢敗至是與諸主王龍答失罕速帶音里吉合及其謀臣

不魯花脫忽思等來歸詔諸王皆太祖之裔並釋不問其

謀臣不魯花伏誅 ○元立諸路行中書省 ○冬十月上崩

在位四十一年改元者八寶慶紹定則彌遠十年之政端

平初元善類滿朝有真德秀魏了翁等為執政侍從人以

比慶曆元祐自嘉禧以後至于淳祐則有嵩之數年之政

嵩之既去自淳祐至寶祐正人指邪為邪邪人指正為邪

互為消長而狼狽莫如開慶丁大全之政景定改元大全

與吳潛雖人品不同各以竄死似道獨相遂執國政末年

寢有君臣相猜之跡未及更變而崩壽六十一上臨御以

崇學

共濟曰理宗在位方以崇尚道學為事務虛名而茂實政當是時為監司守令者豈無學道學之流乎要之皆趨時好名之士非真有心於居敬窮理以濟人利物者也

賈道

來終始崇獎周程張氏及朱張呂氏諸儒義理之學故廟號理宗太子立是為度宗皇帝初元初年也從去聲慶曆仁宗年號元祐哲宗年號

周濂溪先生程明道伊川張橫渠先生朱晦菴先生張南軒先生呂東萊先生

度宗皇帝初名孟啟福王與芮之子理宗之猶子也理宗子多而不育鞠孟啟於宮中改名孜又改名祺立為皇子封忠王已而建儲改名聲歲甲子即位時則蒙古部國號大元紀元至元之初也賈似道專政進平章軍國重事魏國公立相以自副音啟猶子姓曰猶子祺音基聲音旋臨安府士人葉李蕭規等上書諷似道專權害民誤國似道怒以他事罪竄遠州上書之聲詔馬廷鸞留夢炎兼侍讀李伯玉陳宗禮范東叟兼侍講何基徐幾兼崇政殿說書何基金華人魏北山謚文

元安童以相伯顏入相願以劉秉忠為太保

淳元年元以安童為右丞相伯顏為左丞相以劉秉忠為太保參中書省事安童木華黎四世孫年方十三位在百僚上阿里不哥之黨十餘人欲置之法

安童侍側曰人各為其主陛下甫定大難而以私憾殺之何以懷服未降世祖驚曰卿年少何從得老成語由是深重之至元二年為右相是年冬召許衡至令入省議事衡以疾辭安童即親候之於其館與語良久世祖嘗諭衡曰安童尚幼未更事善導之衡對曰安童聰敏且有執事告以古人所言悉能領解臣不敢不盡心也難去聲伯顏蒙

古八隣部人初從宗王旭烈兀開西域遣入奏事世祖奇之曰非諸侯王臣也其留事朕謀事出廷臣乃以安童女弟妻之拜左丞改右丞劉秉忠字仲晦少從釋氏家於邢州世祖為王時從寺主海雲入覲應對稱旨遂留侍左右秉忠書無不讀尤深於易及邵氏經世書天文地理律曆以至衆伎多通之嘗上書數千言皆開國要務世祖即位多施行之九征伐以從行秉忠在祖左右不改舊服翰林承旨王鶚奏言秉忠參帷幄密謀定社稷木計聖明御極萬物惟新而秉忠猶仍舊服宜正其衣冠崇顯秩世祖即日拜光祿大夫位太保仍詔以學士竇默女妻之

元史

南宋度宗咸淳元年

撒音薩揮散也

○丙寅咸淳二年元世祖至元三年呂文煥守襄陽元人自開互

市以來築城置堡江心起萬人臺撒星橋以遏南兵之接
時出師哨掠襄樊城外兵威漸振所教及○似道建策

西湖葛嶺自娛五日一乘湖船入朝不赴堂治事吏抱文

書就策呈署他相書紙尾而已內外諸司彈劾薦辟舉削

非關白不敢行一時正人端士斥罷殆盡吏爭納賂以求

羨職圖為帥閭監司郡守者貢獻至不可勝計趙潛輩爭

獻寶玉貪風大肆兵喪于外匿不以聞民怨于下誅責無

稽莫敢言者西湖在抗州西治平聲彈劾有罪也薦

去聲○元立制國用使司以阿合馬為使封世子南木合為

北平王○賜日本國王書○初給官吏俸及職田○元封

似道貪風大肆

○辟音壁

元世祖至元三年八月命

襄陽

三學

元立按察

部侍郎黑的給

持書使日本書

曰太蒙古國皇

帝奉書日本國

王云云又曰真

自今以往通問

結好以相親睦

按建治中蒙古

使來鎌倉權臣

平時宗怒其自

尊大無禮執而

太子忽哥赤為雲南王○丁卯咸淳二年元世祖至元四年元以

史天澤為左丞相忽都答兒耶律鑄降為平章政事伯顏

降右丞廉希憲降左丞○戊辰咸淳四年元世祖至元五年襄陽

受圍文煥告急遣高達范文虎赴援道不通二將亦不用

命○三學士人上書乞調諸道兵併力救襄不報三學文

宗學上上○弓量推排田畝○葉夢鼎辭位不允徑去○

聲調去聲江萬里馬廷鸞為相○元立御史臺及諸道提刑按察司

行新製蒙古字更號僧八合思馬為帝師築徑鹿門山立

諸路蒙古字學○庚午咸淳六年元世祖至元七年江萬里請援

兵救襄議不合罷去○上一日問似道曰襄陽受圍三年

奈何對曰北兵已退陛下得何人之言上曰適有女嬪言

○拍音退

平聲

三學注文學綱

目作京學

按文獻通考寧

宗嘉定六年詔

諸王宮學改作

似道
權傾
人主

似道
粉飾
太平

受孔子戒

按希憲之對其意固善然其目

之詰問誣以佗事賜死自是無敢以邊事言者○似道權傾人主諛者動以周公輔成王擬之親王外戚宦官近習皆箝制不敢恣當世望士亦引用登朝為儀羽而服心不在焉在外監司郡守亦參用廉介非其人而得進者各有蹊徑最以吝賞誅貨失將帥心劉整降北獻策取東南謂緩取則經營自蜀而下急則由襄淮直進時諸將北降知國虛實者相繼似道方以粉飾太平為事畧不為意音檢平聲望士有名望者儀羽儀表羽翼監司提刑安撫轉運提舉宋四監司吝賞誅貨如打算費用之類吝鄙吝也謂應賞其功而慳吝不賞誅貨謂誅求財貨粉飾太平言天下大亂而求飾以為太平如女子本無顏色而強以脂粉飾之○元平章政事廉希憲罷世祖嘗令受帝師戒希憲對曰臣已受孔子戒世祖曰汝孔子亦有戒耶對曰為

則不當忠孝二字宜謂行不宜謂戒如論語非禮勿視聽言動之類有可稱戒之義

臣當忠為子當孝是也有方士請鍊大丹敕中書給其所需希憲奏曰前世人主多為方士誑惑堯舜得壽不假靈于大丹也世祖善之以許衡為中書左丞時阿合馬專權無上蠹國害民嘗欲以其子典兵柄衡曰國家事權兵民財三者而已父位尚書省典民典財而子又典兵太重世祖曰卿慮阿合馬反耶衡對曰此反道也古者姦邪未有不由此者世祖以衡語語阿合馬阿合馬由是怨衡阿之語去聲○辛未咸淳七年元世祖至元劉秉忠許衡進所定朝儀○立司農司以張文謙為司農卿○教水軍七萬造戰艦五千築環城以逼襄陽○以許衡為集賢大學士國子祭酒○十月建國號大元詔曰誕膺景命奄四海以

許衡
為學
士
建國
號大元

易乾象曰大哉乾元萬物資始乃統天雲行雨施品物流形大

宅尊必有美名紹百王而紀統肇從降古匪獨我家且唐之為言蕩也堯以之而著稱虞之為言樂也舜因之而作號馴致禹興而湯造互名夏大以殷中世降以還事殊非古雖乘時而有國不以義而制稱為秦為漢者蓋從初起之地名曰隋曰唐者又即始封之爵邑是皆徇百姓見聞之狃習要一時經制之權宜既以至公得無少貶我太祖聖武皇帝握乾符而起朔土以神武而膺帝圖四振大聲大恢土宇輿圖之廣歷古所無頃者者宿詣廷奏章伸請謂既成於大業宜早定於鴻名在古制以當然於朕心乎何有可建國號曰太元蓋取易經乾元之義茲大治流形於庶品孰名資始之功予一人底寧為萬邦允切躋仁之

再相 襄陽

明終始六位時成時乘六龍以御天乾道變化各正性命保合太和乃利貞首出庶物萬國咸寧周書大誥予造天役遺大投艱于朕身

南來絕時襄陽久困孤城援絕南望慟哭而後下告急于朝似道不督列閫赴援又曰樊城既陷阿木益兵攻襄文煥力不能支會元三降詔諭

要事從因革道協天人於戲稱義而名固匪為之溢美乎休惟水尚不負於投艱嘉與敷天共隆大號咨爾有衆體予至懷從太保劉秉忠之議也音乎稱義之稱去聲
○壬申咸淳八年元世祖至元九年葉夢鼎再相以與似道意不合去○襄陽陷先是理宗初年襄陽以制臣失撫御致王昺作亂而陷謝方叔作相喻李曾伯遣將取之北方亦不苦爭及劉整策行重兵圍襄陽呂文煥守城六年扞禦備至而似道不肯調援雖糧食未乏衣裝薪芻無所措辦至撤廬舍為薪緝關楮為衣援兵不至遂以城降為元人之用制臣如制置使之類調援調遣援兵關楮關會之紙也
○賈似道累章出督而陰諷朝廷留之卒不行並同為元之為去聲

文天祥致仕

平地產自

文煥曰尔等拒守孤城于今五年宜力亦主其宜也然勢窮援絕其如數萬生靈何文煥乃降

王○直學士院文天祥致仕初賈似道稱疾乞致仕以為要君似道諷張立志劾罷之天祥遂引錢若水例乞致仕時年三十七矣要平○癸酉咸淳九年元世祖至元十年平地產白毛如銀線菜臨安允多元侵樊城守將張漢英及都統制范天順牛富死之○元國子祭酒許衡乞罷許之衡居家勤儉強於自治公愛無盡不嚴而整閨門之內若朝廷然夫婦相待如賓凡喪葬一遵古制不用佛老懷孟之間化之旁舍有僧德公者年百餘歲嘗謂其徒曰老僧苦行百年亦不能作佛徒為不孝之人羞見祖宗于地下但願小僧輩還俗以壽汝祖宗之嗣自是不復度弟子蓋他之

顯古顯字

劉東忠

也○甲戌咸淳十年元世祖十一年賈似道丁母憂隨起復復音伏○陳宜中僉書樞密院○七月上崩在位十年改元咸淳壽三十五似道立皇子顯年四歲是為孝恭懿聖皇帝顯音

孝恭懿聖皇帝名顯皇后全氏出也大皇太后謝氏臨朝稱詔改元德祐○封兄建國公是為吉王弟永國公是為

信王是音是○元太保劉秉忠卒秉忠以天下為己任知無不言言無不聽其薦人才各稱器使城開平城燕都皆

秉忠相其地至是無疾端坐而卒世祖聞驚悼謂群臣曰秉忠事朕三十餘年小心慎密其陰陽術數之精唯朕知

之至是八年秋八月劉東忠贈大傅封趙國公諡文貞秉忠自幼好學至老不衰位極人臣而齋居蔬食無異平

元命 史天澤 伯顏 南

史天澤 卒

伯顏 大會 兵

補松苗曰。史天澤行狀。詳見前。淳祐十一年。元以史天澤趙璧。為河南經畧使。下注中。此注重出宜刪。

昔自號藏春散人。有詩。又十卷。元命。中書平章史天澤。中無子。以弟秉恕子蘭璋為後。書左丞相伯顏帥諸軍南侵。陛辭。世祖諭之曰。古之善取江南者。唯曹彬一人。汝能不殺。是吾曹彬也。天澤有疾。而還。尋卒。先是。世祖遣鑿。馳視天澤。附奏曰。臣木限有終。死不足惜。第願天兵渡江。以殺掠為戒。言訖而卒。天澤忠亮。有大節。出入將相近五十年。柱石四朝。師表百辟。可謂社稷之臣。其視富貴權勢。歛迹退避。若將流之者。故能善始令終。為開國元臣。天澤平居。未嘗自矜其能。及臨大節。論始。折節讀書。尤熟資治通鑒。其立論。出人意料。出入將相。五十餘年。上不疑。而下無怨言。人以方郭子儀。曹彬云。○元伯顏丞相大會兵于襄樊。九月。以降人劉整領騎兵出淮。泗。呂文煥領舟師出襄陽。爭先向導。水陸並進攻沙

似道 督軍 不

劉整 憤死

王勤 勤

天目 山崩

南宋紀初。勤王。詔至。發祥。擄之。涕泣。乃發。郡中。豪傑。并結。溪洞。中。蠻。有。眾。萬。人。遂。不。衛。其。友。止。之。曰。今。敵。兵。三道。鼓。行。破。郊。

市新城都統邊居誼帥所部三千人。力戰死之。策應使夏貴力戰。元兵出其不意。兵敗。沿西南岸縱火。歸廬州。宣撫朱撰孫提重兵。不戰。歸江陵。沙市新城。沙市鎮。在江陵城外十里。帥音率。撰音祀。○鄂州降。○天目山崩。臨安。主山。○詔天下勤王。○乙亥。德祐元年。元。世祖至。元。十一年。元伯顏留阿里海牙。以兵四萬守鄂。而與阿朮率大軍渡江。順流東下。時沿江諸將多呂氏部。曲望風降附。○江州降。運使錢真孫自縊。○劉整自愧。出淮。無功。憤死。無為軍城下。無為軍。屬淮西。○似道都督軍馬。遷延不出。聞兵已下。建康。始率諸軍發行。在迂道而行。數日。始達蕪湖。將趨安慶府。牽制下流之師。未至三日。安慶帥范文虎。乃呂氏婿。已降。將士無復固志。似道許渴轉官資。諸軍詭曰。

幾薄內地君以... 何異驅群羊而... 搏猛虎天祥曰... 國家養育臣庶... 三百餘年下且... 有急徵天下兵... 無一人一騎赴... 者吾深恨之故... 不自量欲以身... 殉國天下忠臣... 義士將有聞風... 而起者義勝者... 謀立人衆者力... 濟如此則社稷... 猶可保也... 又曰樂人之樂... 者憂入之憂食... 人之食者死入... 之事聞者感動

要官資做甚己未庚申官資何在似道不能答鳴鑼一聲
退兵于珠金砂十三萬衆一時潰散似道奔入揚州蘇州
太平將趨將音漿安慶府屬淮西即舒州未至三日似道未
至三日之前官資陸轉官品己未庚申蒙哥侵伐之時亦
許官資竟無其實 ○江西提刑文天祥募兵勤王天祥吉州廬陵
人也丙辰魁進士第 ○殿帥韓震謀劫遷都陳宜中以計
誅之 ○池州破通守趙昂諫將死與其妻訣妻曰卿能為
忠臣妾顧不能為忠臣妻耶昂諫喜具衣冠與俱益明日
伯顏入城見而憐之具衣棺葬焉池州屬江 ○建康破趙
淮死之趙淮 ○京師戒嚴朝臣接踵宵遁戒嚴防 ○王爚
陳軍中等劾似道不忠不孝之罪宜中本受賈息至是亟
劾賈以自解爚音 ○似道赴貶鄭虎臣以父仇監押至漳

推落合切折也... 按虎臣父嘗為... 似道呀配... 谷子感切姓也... 補德祐元年十... 二月遣工部侍... 郎抑岳如元軍... 請平伯顏不許... 曰汝國執戮我... 行人故興師錢... 氏納土李氏出... 降皆汝國之法... 也汝國得天下... 於小兒亦失於... 小兒其道如此... 尚何多言

州即廁上拉其胸殺之父仇似道與 ○張世傑以兵入衛
元兵在境陳宜中等惟攻擊賈黨略無備禦之策司馬夢
求監江陵沙市鎮力戰死徵諸帥入衛夏貴翁萬壽黃萬
石等不至夢求温公五世 ○六月庚申朔日蝕晦冥鷄栖
于堦咫尺不辨人物自己至午明始復蝕音食日月厯日
復音 ○留夢炎相 ○文天祥將民兵峒丁二萬餘人入衛
與夢炎意不相樂以尚書除江浙制置守吳門峒音洞溪
吳門郡名即平江府以尚書之官 ○州郡連降元兵距臨
而除為江浙之制置掌守吳門 ○州郡連降元兵距臨
安百里獨松關告急時張世傑軍五萬諸路勤王兵四十
餘萬天祥與世傑議兩軍堅守闔廣全城王師血戰萬一
得捷猶可為也世傑大喜議出師宜中以王師務持重降

南宋孝宗

詳天

按字彙創古外切音臆也又按玉雜俎曰說文臆細切肉也今人以殺人者為創子未創亦斷切之義與臆同也畢夷益及伺視也

詔沮之遣使乞和獨松關在吳江縣○詔天祥等罷兵○潭州陷

時一軍自湖南圍潭州守臣李芾戰守屢捷經八九月城

將陷闔門死之將音漿李芾號肯堂守潭竭力備禦凡八月城破芾命積薪樓下携家人登樓大宴積金銀於兩

正月城破芾命積薪樓下携家人登樓大宴積金銀於兩

畔酒半酣令創子將金銀去却令取刀來市令從頭殺其腹而創子各沈惠亦可謂烈丈夫者矣○丙子德祐

二年元世祖至元十三年正月秀王與畢奉皇兄益王昰皇弟廣王

昺等航海航海難○世傑去朝○元兵駐高亭山去都城

三十里○宜中夜遁○文天祥右丞相辭不拜除天祥為右相而歸

不○賈餘慶吳堅相○天祥出使軍前辭氣慷慨議論不

屈伯顏留之○元兵入臨安賈餘慶等奉三宮以降手詔

諭諸路內附三宮理宗后謝氏度宗后全氏與少帝○伯顏遣宰執先赴太

天祥出使不屈元兵入臨安

三宮北遷

三宮上脫叔都城軍器叔傳國璽一節

都天祥亦登舟北行至鎮江得間逸去大都至元九年改中都曰大都逸去

而逃逸○三宮北遷宮室駙馬宮人內侍大學等數千人

皆在遣中過真州守苗再成奪駕幾遂不克駙馬天子婿曰駙馬苗再

成守苗姓再成名樂音機○五月宋帝至上都降封瀛國公帝在位

二年改元者一曰德祐上都燕京北个百里即開平府中統五年加號曰上都○益

王廣主由海道至温州蘇劉義陸秀夫來會陳宜中張世

傑海舟亦至福州宣謝太后手詔以二王為天下都副元

帥召諸路忠義五月朔陳宜中陸秀夫張世傑等共立益

王昰為帝即位于福州是為端宗皇帝温州屬浙東元帥廣王都元帥益王

副元

端宗皇帝名昰孝恭懿聖皇帝兄也即位改元景炎遙上

宋帝至上封瀛國公

端宗即位

天祥開南劍汀州

猖獗音昌决

帝尊號為孝恭懿聖皇帝。太皇太后為壽和聖福至仁太
 皇太后。皇太后為仁安皇太后。尊度宗淑妃楊氏為皇太
 后。同聽政。是古文 ○封廣王昺為衛王。陳宜中左丞相。張
 世傑少保。○文天祥至。除右丞相。以與宜中世傑異意。不
 肯拜。○九月。天祥開督南劍州。募兵得數千。遂復邵武軍。
 冬十月。天祥帥師次于汀州。興化軍通判張日中等來會。
 時贛叛。猖獗血江閩廣之路。日中等聞天祥開督。勤王。遂
 各起兵來應。天祥遣趙時賞張日中趙孟深將一軍趨贛。
 以取寧都。遣吳浚將一軍取寧都。劉洙蕭明哲陳子敬皆
 自江西起兵來會。張日中建昌軍南城人。橫渠先生十三世孫。音于。 ○鄒鳳與元
 人戰于寧都。敗績。武崗教授羅開禮起兵復永豐縣。亦死。

世傑中

廉希憲卒

西示已

天祥為製服哭焉。○十一月。元阿剌罕董文炳入建寧府。
 遂侵福州。宜中世傑奉帝及衛王楊太后等航海由潮州
 至廣州。趨富陽。遷謝女峽。○丁丑。景炎二年。元世祖至元十四年阿
 剌罕入汀州。文天祥奔漳州。謀入衛道。阻不通。往來江廣
 間。戰有勝負。○吳浚降于元。因趙漳說天祥降。天祥責以
 大義。誅之。○三月。文天祥復梅州。○四月。天祥復興國縣。
 ○五月。張世傑復潮州。○天祥自梅州出江西。遂復會昌
 縣。與趙時賞張日中之兵皆會之。○元中書政事廉希憲
 卒。希憲在江陵。遠近向化。及有疾。召還。民皆垂涕擁送。建
 祠繪像以祠之。卒。世祖歎曰。無復有決大事如廉希憲者
 矣。伯顏亦曰。廉公宰相中真宰相。男子中真男子。世以為

天祥人敗于都

李恒祥

名言○六月天祥敗元人于零都遂次于興國縣秋七月

使張日中趙時賞等帥師復吉贛諸縣遂圍贛州○張世

傑回師由潮州圍泉州不克○帝舟遷于潮州之淺灣○

元李恒遣兵接贛而自將襲天祥于興國天祥不意恒猝

至乃引兵走即鄒鳳于永豐瀉兵先潰恒窮追天祥天祥

至乃石嶺恒及之鞏信拒戰箭被射而死天祥至空阬恒

又及之張日中奮力戰元兵少却恒麾鐵騎橫擊之日中

身被十餘創猶手刃十餘騎而死兵盡潰天祥妻歐陽氏

男佛生環生及二女皆見執趙時賞坐肩輿後元人問為

誰時賞曰我姓文衆以為天祥禽之天祥由是得挺身與

其長子道生及杜潏鄒瀉乘騎逸去遂奔循州散兵頗集

挺超拔也

天祥家于燕

帝崩

補陳俗作輿或

嶼篇韻貫珠集

日嶼烏告切與

陳同說文云水

隈岸也又俗作

填五雜俎曰海

風謂之颶風以

其具四方之風

即石尤風四面

斷行旅者也今

閩人方言謂之

颶風音如貝焉

颶者簸也

西京雜記

乃屯于南嶺幕僚客將皆被執時賞至隆興奮罵不屈臨刑劉沐頗自辨時賞叱曰死耳何必然於是將佐幕屬被執者皆死而天祥妻子家屬送于燕二子死于道○廣州陷○十一月元劉深以舟師襲淺灣張世傑戰不利奉帝舟走秀山陳宜中之占城求兵遂不復還十二月帝再遷于并隩颶風作帝有疾元劉深復以舟師來襲并隩執俞如珪帝舟遷于謝女峽占音瞻○戊寅景炎三年元世祖年張世傑遣師討雷山不克○三月文天祥會兵次于麗江浦○元以張弘範為都元帥李恒副之帥師入閩廣○帝舟遷于碇州夏四月帝崩于碇州陸秀夫立衛王為帝是為帝昺碇音

補左哀元年傳少康有田一成有衆一旅能布其德而兆其謀以馭夏衆

陸秀夫書南宋紀初世傑以碭州不可居而厓山在海中去潮廣各四百餘里兩山相對勢頗寬廣中有一港其口如門可以藏舟世傑

帝昀端宗皇帝弟也名昀即位改元祥興皇太后楊氏同聽政先是群臣多欲散去陸秀夫曰度宗皇帝一子尚在將焉置之古人有以一旅一成中興者今百官有司皆具士卒數萬天若未欲絕宋此豈不可為國耶乃與衆共立帝年八歲矣適有黃龍見海中遂改祥興而升碭州為翔龍縣以陸秀夫為左丞相兼樞密使時播越海濱庶事踈略每時節朝會獨秀夫儼然正笏立如治朝或在行中悽然泣下以朝衣拭淚衣盡濕左右無不悲慟者及拜首相與張世傑共秉政外籌軍旅內調干役凡出其手雖忽遽流離中猶日書大學章句以勸講見音現○六月帝舟遷于新會之厓山○有大星南流墜海中音巨小星千餘隨之聲

中星餘以為形勢之地天險可扼以自固乃奉帝移駐焉遣人入山伐木造軍屋千間行營正殿曰慈元楊木后居之升廣州為翔龍府時官民兵尚二十餘萬多居于舟資糧取辦于廣右諸郡復刷入匠造舟楫製器仗民不能堪始有離叛之志

如雷數刻乃止○天祥聞帝即位上表自劾敗于江西之罪乞入朝不許而加少保封信國公會軍中大疫士卒多死天祥子道生復亡家屬俱盡○元以許衡為集賢大學士兼領太史院事○文天祥屯潮陽鄒瀛劉子俊皆集師會之遂討盜陳懿劉興于潮興死懿遁道張弘範兵濟潮陽天祥力不支帥其麾下走海豐張弘正追之天祥方飯五坡嶺弘正兵突至衆不及戰皆頓首伏草莽天祥被執吞腦子不死鄒瀛自剄劉子俊自詭為天祥冀可免天祥及執天祥至各爭真偽遂烹子俊而執天祥見弘範左右命之拜天祥不屈弘範釋其縛以客禮見之天祥固請死弘範不許或謂弘範曰敵人之相不可測也不宜近之弘

酒服數握九竅流血而死此非腦子有毒乃熱酒引其辛香散溢經絡氣血沸亂而然爾

元人招世不

天祥以詩示將

範曰彼忠義也保無他求族屬被俘者悉還之處舟中以自從處上○葬端宗于厓山○元阿里海牙自海南還師上都○已卯祥興二年元世祖至元十一年正月元張弘範兵至厓山張世傑力戰禦之弘範無如之何時世傑有甥韓在元師中弘範三使韓至宋師招世傑世傑不從曰吾知降生且富貴但義不可移耳因歷數古忠臣以荅之弘範乃命文天祥為書招世傑天祥曰吾不能扞父母乃教人叛父母可乎固命之天祥遂書所過零丁洋詩與之其末有云人生自古誰無死留取丹心照汗青弘範笑而置之弘範復遣人語厓山士民曰汝陳丞相已去文丞相已執汝欲何為士民亦無叛者弘範又以舟師據海口宋師樵汲道

世傑像

宋師旗

絕兵士茹乾糧十餘日而大渴乃下掬海水飲之水鹹飲即嘔泄兵士大困世傑帥蘇劉義方興等且夕大戰元李恒自廣州以師會攻弘範命恒守厓山北面數上聲零丁洋詩上六句辛苦遭逢起一經干戈落落四周星山河破碎水漂絮身世浮沈風去落皇恐灘邊說阜恐零丁洋裏歎零丁語去聲○二月戊寅朔世傑將陳寶叛降于元己卯都統張達夜襲元師敗還元人進薄世傑之舟甲申弘範四分其軍自將一軍相去里許令諸將曰宋舟西艤厓山潮至必東遁急攻之勿令得去聞吾樂作乃戰違令者斬先麾北面一軍乘早潮而戰世傑敗之李恒等順潮退師午潮上元師樂作宋師以為且懈不設備弘範以舟師犯其前南師繼之宋師南北受敵兵士皆疲不能復戰俄有一舟擣旗

陸秀夫抱帝溺海

楊皇太后溺海

小諸舟之檣旗皆仆。世傑知事去，乃抽精兵入中軍。諸軍
 大潰。元帥薄宋中軍，會日暮風雨昏霧四塞，咫尺不辨。世
 傑乃與孫劉義斷維，以十六舟奮港而去。陸秀夫走帝舟，
 帝舟大且諸舟環結，度不得出。乃先驅其妻子入海，即
 負帝同溺焉。帝崩後，宮諸臣從死者甚衆。越七日，屍浮海
 上者十餘萬人，因得帝屍及詔書之寶已而。世傑復還厓
 山，叔兵遇楊太后，欲奉以求趙氏，後而復立之。楊太后始
 聞帝崩，撫膺大慟，曰：我忍死艱關至此者，正為趙氏一塊
 肉耳。今無望矣。遂赴海死。世傑葬之海濱。世傑將趨安南，
 至平章山下，遇颶風大作，舟人欲艤岸。世傑曰：無以為也。
 焚香仰天呼曰：我為趙氏亦已至矣。一君一臣，復立一君。今

宋

天祥不食八日猶生


又亡我未死者，庶幾敵兵退，別立趙氏以存祀耳。今若此，
 豈天意耶？若天不欲我復存，趙祀則大風覆吾舟，舟遂覆。
 世傑溺焉。宋為趙之為並去聲。○厓山既破，元張弘範等置酒
 大會，謂文天祥曰：國亡丞相，忠孝盡矣。能改心以事宋者，
 事今不失為宰相也。天祥泫然出涕，曰：國亡不能救，為人
 臣者死，有餘罪，况敢逃其死而貳其心乎！弘範義之，遣送
 于燕京。道經吉州，痛恨不食八日，猶生。乃復食。十月，天祥
 至燕，不屈繫獄，勸操愈堅。○宋之故臣亦有由嶺海之安
 南者。安南自其國王李乾德卒於紹興，子陽煥立。陽煥卒，
 子天祚立。天祚卒於淳熙，子龍翰立。龍翰卒於嘉定，子杲
 昂立。世奉宋正朔。當龍翰時，有閩人陳京入其國，得政為

國塔京子承再世執其國柄及吳崑時承奪其國傳子威
 晃理宗受其貢而封之威晃傳子日照宋亡乃改名日烜
 奉貢于元初邵雍與客語及國祚取晉出帝紀示之清康
 驗矣至德祐益驗陳搏亦嘗有一汴二枕三閩四廣之說
 宋果至閩廣而盡自太祖建隆至欽宗靖康一百六十七
 年自高宗建炎至祥興又一百五十三年（定）音奏（紹興）高宗年號淳熙孝宗年號
 宗年號（翰）舊本（作）朝（非）嘉定寧宗年號（昂）丑（感）切（邵）雍康節先生（出）帝五代晉出帝為契丹所執靖康徽宗被執之
 年（德）祐少帝被執之年（陳）搏希夷先生自太祖云云
 自太祖至欽宗九九世自高宗至帝昺九九世

右宋自太祖建隆元年庚申至帝昺祥興己卯凡三百二十年而亡

新刊校正立齋先生標題註解十八史畧卷之七畢

再刻補正十八史略跋




吾龍溪巖殿垣先生校訂十八史略且補益舊註而再版之其意專在訓童蒙以為史學階梯也譬諸行旅其猶省路程記略知山川道里郵驛之梗槩而後上

史畧跋

路也與覽者若以是為捷徑而
廢讀史殊失諸心鵠温公作通
鑑又作目錄先生於茲書蓋
亦以之云。

天明改元夏五平安藤原正臣謹誌



明治八年十一月十四日版權免許
同十四年五月十一日出版
同十六年三月廿八日再版御届
同年五月刻成發兌 定價金壹圓七拾五錢
故人

再校著 岩垣東園

京都府下平民

出版人 川端藤兵衛

下京第四區三條通高倉
東掛屋町八十八番地

京都府下平民

出版人 出雲寺文次郎

下京第四區三條通高倉
東掛屋町七十番地

京都府下平民

出版人 藤井孫兵衛

上京第六區柳幸町通好小路
上大文字町三番四番地



